




I deen

E. 680
9

[Faint, illegible handwriting on a piece of lined paper, possibly a signature or initials.]

8715



PSALTERIVM
IN HONOREM
B. MARIÆ
VIRGINIS:

COMPILATVM

Per Seraphicum Doct. S. Bo-
nauenturam.



VLYSIPONE.

Cum facultate Supremi Senatus Inqui-
sitionis, & Ordinarij.

NEC NON REGIS LVSTANIÆ.

Excudebat Antonius Alvarez. Anno Dñi 1611.

THE UNIVERSITY OF CHICAGO

LIBRARY

PHYSICS DEPARTMENT

CHICAGO, ILL.



1910

PHYSICS DEPARTMENT

CHICAGO, ILL.

L I C E N Ç A S.

VI Este Liuro, q̄ he o Psal-
teyro de Nossa Senhora,
que S. Boaventura com-
pôs, & anda em seus opusculos;
& aqui se diuide, & accõmoda
pera se poder rezar juntamente
com o Rosayro pelos dias da so-
mana, he obra q̄ imprimindose,
pode accrecentar a deuação da
Virgê, nê ha cousa, q̄ o impida.

Francisco Pereyra.

Vista a informação, pode se im-
primir este Liuro, & depois
d'impresso torne a este Conse-
lho pera se confirir, & dar licença pe-
ra correr, & sem ella não correrá. Em
Lisboa 21. de Julho de 1610.

Marcos	Bertholameu	Ruy Pirez
Teyxeira.	da Fonseca.	da Veyga.

Vista a licença acima do San-
cto Officio, pode se imprimi-
r, a 22. de Março de 611.

Sarayu.

PODESE imprimir este
Liuro do Plalteyro de
Nossa Senhora, vista a
licença, que tem do Sancto Offi-
cio, & do Ordinario: & depois
d'impresão tornarà para se ta-
xar, & sem isso não correrà, a
30. de Abril de 611.

*Ruy Pirez Barbosa. F. Pinto. Machado.
da Veiga.*

QUE se possa vender este
liuro a tres vintês em pa-
pel a 14 de Mayo de 611.

*Barbosa. Machado. F. Pinto. Ruy Pirez
da Veiga.*

ORDO

DICENDI

PSALTERIUM

VIRGINIS

MARIA.

A S. BONAVENTURA

Compilatum.



NOTISSIMUM Est
ex multis miraculis per-
gratum esse Gloriosissi-
mæ Virgini MARIÆ
Rosarium, seu Psalterium
eiusdem Beatæ MARIÆ

nuncupatum: quod ex centum quinquaginta salutationibus Angelicis ad numerum Davidici Psalterij, & oratione Dominica ad quamlibet decimam interposita

lita constituitur; Sed cum adsit ad ipsam
Virginem collaudandam, & deprecandam
aliud Psalterium à Seraphico Doctore Bo-
nauentura, compilatum, quod instar pari-
ter Dauidici Psalterij centum quingua-
ginta Psalmos similis inchoationis conti-
neat; ideo ut deuoti amatores ipsius Vir-
ginis **M A R I Æ** commodè Psalteria
ipsa simul persoluere possint, modum il-
la recitandi, & persoluendi per ferias heb-
domadam iuxta ritum Reu. Religioso-
rum Cisterciensium dare, & describere
valdè visum est. Quare in prima Domini-
ca sex Psalmi Psalterij dicti Sancti Bona-
uenturæ sub vna tantum gloria, & vna
Quinquagena, quæ est tertia pars Rosarij
recitentur. Cæteris autem diebus tres
Psalmi cum alia Quinquagena dicantur:
Sed singulis autem diebus tertijs post re-
citationem alterius Quinquagena; sicut
pro Coronæ Imperialis complemento
Crux superponitur, sic ad istius Coronæ
Virginalis complementum loco Crucis

Anti-

Antiphona, Saluē Regina sup̄er addatur;
prout vniuersa in eodem Psalterio distin-
ctè apposita sunt; in vltimo vero dierum
Septem hebdomadarum integrè ipsum
Rosarium Beatæ Virginis cum Saluē Re-
gina, nec non Litanijs, & alijs orationi-
bus subsequētib; ibidem annoratis per-
soluerur. Quæ Litanix Hymnus. Te ma-
trem, & alix orationes huiusmodi, in pri-
ma Dominica post recitatam partem Ro-
sarij repeti debent. Et sic quolibet die ex
duobus Psalterijs coniunctim Beata Vir-
go MARIÆ veneretur, quæ seruos
suos ad astra ducat. Amen.

*Elegit eam Deus,
& praelegit eam.*



*In tabernaculo suo
habitare facit eam.*

PSALTERIUM
 IN HONOREM
 B. VIRGINIS
 MARIÆ.



Per Seraphicum Doct. S. Bonaventuram
 Compilatum.

DOMINICA PRIMA.

Psalms: 1.



BEATVS vir cui diligit
 nomen tuum M A R I A
 Virgo , gratia tua animã
 eius confortabit.

Tanquam aquarum fon-
 tibus irrigarum vber, in
 eo fructum iustitiæ propagabis.

A

Bene

101 **Pfalterium**

Benedicta tu inter mulieres: per credulitatem cordis Sancti tui.

Vniversas enim foeminas vineis pulchritudine carnis: superas Angelos, & Archangelos excellentia sanctitatis.

Misericordia tua, & gratia ubiq; praedicatur, Deus operibus manuum tuarum benedixit.

Psalms. 2.

Quare fremuerunt inimici nostri: & aduersus nos meditati sunt inania.

Protegat nos dextera tua Mater Dei, vt acies terribilis confundens, & destruens eos.

Venite ad eam qui laboratis, & tribulati estis: & dabit refrigerium animabus vestris.

Accedite ad eam in tentationibus vestris: & stabiliet vos serenitas vultus eius.

Benedicite illam in toto corde vestro: misericordia enim illius plena est terra.

Pfal-

Psalmus 3.

D Omina quid multiplicati sunt qui tribulant me: in tempestate tua persequeris, & dissipabis eos.

D issolue colligationes impietatis nostrae: tolle fasciculos peccatorum nostrorum.

Miserere mei Domina, & sana infirmitatem meam, tolle dolorem, & angustiam cordis mei.

Ne iradas me manibus inimicorum meorum: & in die mortis meae conforta animam meam.

Deduc me ad portam salutis: & spiritum meum reddè factori, & creatori meo.

Psalmus 4.

CUM inuocarem exaudisti me Domina, & è sublimi solio tuo me dignata es recordari.

Psalterium

A rugientibus præparatis ad escam, & de manibus quærentium me, liberabit gratia tua.

Quoniam benigna est misericordia, & pietas tua: in omnes qui inuocant nomē sanctum tuum.

Benedicta sis Domina in æternum: & maiestas tua in seculum.

Glorificate eam omnes gētes, in virtute vestra: & cuncti populi terræ extollite magnificentiam eius.

Psalmus 5.

Verba mea auribus percipe Domina: & ne auertas à me speciositatem vultus tui.

Conuerte luctum nostrum in gaudium: & tribulationem nostram in iubilationē.

Corruant ante pedes nostros inimici nostri: virtute tua eorum capita conterantur.

Benedicat te omnis lingua: & nomen sanctum

B. Mariæ Virg.

5

sanctum tuum confiteatur omnis caro.
Spiritus enim tuus super mel dulcis: &
hereditas super mel, & fauum.

Psalmus 6.

Domina ne in furore Dei sinas cor-
ripi me neq; in ira eius iudicari.

Propter honorem nominis tui Domina:
propitietur nobis fructus gloriosi ven-
tris tui.

De porta inferi, & de ventre abissi: tuis
sanctis precibus libera nos.

Aperiantur nobis ianuae sempiternae: ut
enarremus in æternum mirabilia tua.

Quia non mortui, neq; qui in inferno
sunt, laudabunt te Domina: sed qui tua
gratia vitam æternam obtinebunt.

Gloria tibi sit orphanorum mater: fac
nobis clemens sit Omnipotens Pater.

Amen.

* Deinde Quinquagena, quæ est tertia
pars Rosarij dicatur.

Psalterium

FERIA SECUNDA.

Psalms 7.

Domina mea in te speraui: de inimicis meis libera me Domina.

Conclude ora leonis, & dentes eius: & labia persequentium constringe.

Non moreris propter nomen tuum: facere nobis misericordiam tuam.

Splendor vultus tui fulgeat super nos: ut seruetur conscientia nostra apud altissimum.

Si persequatur inimicus animam meam Domina: adiutorio tuo conforter, ne vibret gladium suum contra me.

Psalms 8.

Domina Dominus noster factus est Frater noster, & Saluator noster.

Vt ignis in rubo, & ros in vellere, descendit

cendit in te, æternum Verbum Dei.

Spiritu Sancto fecundante obumbravit tibi virtus altissimi.

Benedictus sit mundissimus conceptus tuus : benedictus sit partus tuus virgineus.

Benedicta sit munditia carnis tuæ : benedicta sit dulcedo misericordiæ cordis tui.

Psalmus 9.

Confitebor tibi Domina in toto corde meo : & narrabo in populis laudem, & gloriam tuam.

Tibi enim debetur gloria, & gratiarum actio, & vox laudis.

Invenient gratiam peccatores apud Deum per te: inuentricem gratiæ, & salutis.

Respirent ad indulgentiam humiles penitentes : sana contritiones cordis eorum.

Psalterium

In pulchritudine pacis, & requie opulenta: cibabis nos post laborem peregrinationis nostræ.

Gloria tibi sit orphanorum mater: fac nobis gratus sit Omnipotens Pater. Amen.

* **Quinquagena.**

FERIA TERTIA.

Psalms 10.

In Domina confido: propter dulcedinem misericordie nominis sui.

Oculi eius in pauperem respiciunt: & manus eius ad pupillum, & viduam sunt extensæ.

Exquirite illam à iuventute vestra: & glorificabit vos ante facie populorum.

Misericordia illius nostrorum auferat multitudinem peccatorum: & fecunditatem nobis conferat meritorum.

Exten-

Extende ad nos brachium tuum Virgo
gloriosa : & ne auertas à nobis glorio-
sum vultum tuum.

Psalmus 11.

Salum me fac mater pulchræ dile-
ctionis, fons clementiæ, & dulcor pie-
tatis.

Girum terræ sola circuis, vt subuenias
inuocantibus te.

Pulchræ sunt viæ tuæ, & semitæ tuæ pa-
cificæ.

In te refulget species castitatis, lumen
iustitiæ, & splendor veritatis.

Amicta solari lumine sicut vestimento,
duodecim Stellarum corona rutilans ra-
dianti.

Psalmus 12.

Vsque quo Domina obliuisceris me,
& non liberas me, in die tribula-
tionis.

Psalterium

Vsquequo exaltabitur inimicus meus
super me: potentia virtutis tuæ contere
ipsum.

Aperi oculos misericordiæ tuæ, ne ini-
micus noster aduersus nos præualeat.

Magnificamus te gratiæ inuentricem:
per quam sæcula reparantur.

Exaltata super Choros Angelorū: ante
Thronum Dei ora pro nobis.

Gloria tibi sit Orphanorum mater: fac
nobis clemens sit Omnipotens Pater.

Amen.

* **Quinquagena, & postea.**

SALVE Regina Misericordiæ, vita
dulcedo, & spes nostra salue. Ad te
clamamus exules filij Eux, ad te suspira-
mus gementes & flentes in hac lachry-
marum valle. Eia ergo aduocata nostra
illos tuos misericordes oculos ad nos cō-
uertere. Et Iesum benedictum fructū ven-
tris tui nobis post hoc exiliū ostende. O
clemens. O pia. O dulcis Maria. Alleluia.

F E.

FERIA QVARTA.

Psalmus 13.

Dixit insipiens aduersarius noster in corde suo, persequar, & cōprehendam, & interficiet eum manus mea.

Exurge Domina, & præueni eum, & sup planta eū, Iestruere omnes conatus illius.

Tuam pulchritudinem Sol, & Luna mirantur: tibi Angelicæ potestates seruiūt, & famulantur.

Tuo tactu lenissimo sanantur infirmi: tuo odore roseo mortui reuiuiscunt.

Virgo Dei Genitrix quem totus non capit orbis: in tua se clausit viscera factus homo.

Psalmus 14.

Domina quis habitat in tabernaculo Dei? aut quis requiescit cum senatoribus populi.

Paupe;

Psalterium

Pauperes spiritu, & mundi corde, mites
pacifici, atq; lugentes.

Recordare Domina, vt loquaris pro no-
bis bona: & indignationem filij tui auer-
tas à nobis.

Amplectamur Mariæ vestigia peccato-
res; & eius beatis pedibus prouoluamur.

Teneamus eā fortiter, nec dimittamus:
donec ab ea meruerimus benedici.

Psalmus 15.

Conserua me Domina, quoniam spe-
raui in te; mihiq; tuæ stillicidia gra-
tiæ impartire.

Alius tuus virginalis, & viscera tua: fi-
lium Dei altissimi genuerunt.

Benedicta sint vbera tua, quibus lacte
deifico Salvatorem enutriisti.

Confitemini laudes Virgini gloriosæ,
quicumq; apud eam gratiam, & miseri-
cordiam inuenistis.

Date magnificentiam nomini eius, &
collau-

collaudate in sæculum conceptum, atq[ue]
partum eius.

Gloria tibi sit Orphanorum mater: fac
nobis sit gratus Omnipotens Pater.
Amen.

* **Quinquagena Rosarij.**

FERIA QVINTA.

Psalmus 16.

EXaudi Domina iusticiam meam, &
amoue à me tribulationem meam.

Confitebor tibi in voce exultationis,
cum magnificaberis super me miseri-
cordiam tuam.

Imitamini eam, Sanctæ Virgines Dei,
vt imitatae sunt Agnes, Barbara, Doro-
thea, & Catherina.

Honorificate eam in voce labiorū ves-
trorum, per hoc eius gratiam Agatha,
Lucia, Margarita, & Cecilia susceperunt.

s pon-

Psalterium

Sponsus dabit vobis Patris Filium, & de Paradisi lilijs coronam incomparabiliter radiantem.

Psalmus 17.

Diligam te Domina Cœli, & Terræ: & ingentibus nomen tuū inuocabo.

Confitemini illi tribulati corde, & roborabit vos contra inimicos vestros.

Stilla nobis Domina gratiam vberum tuorum, ex manante lacte dulcedinis tuæ refice viscera puerorum tuorum

Religiosi omnes honorate illā, qui ipsa est adiutrix, & vestra specialis aduocata.

Esto refrigerium nostrum gloriosa Mater Christi; quia tu es tutius religionis mirabile firmamentum.

Psalmus 18.

Cœli enarrant gloriam tuam: & vnguentorum tuorum fragrantia ingentibus est dispersa.

Respi-

Respirate ad illā perditī peccatores: & perducet vos ad indulgentiæ portum.

In Hymnis, & Psalmis, & Canticis pulsate viscera eius, & stillabit vobis gratiam dulcedinis suæ.

Glorificate eam iusti ante Thronum Dei: quia fructu ventris eius estis iustitiam operati.

Laudate eam cœli cœlorum, & nomen eius glorificet omnis terra.

Gloria tibi sit Orphanorum Mater: fac nobis clemens sit Omnipotens Pater. Amen.

* **Quinquagena.**

F E R I A S E X T A .

Psalmus 19.

EXaudi nos Domina in die tribulationis: & precibus nostris conuerte clementem faciem tuam.

N c

Psalterium

Ne proicias nos in tempore mortis nostræ: sed succurre animæ, cum de seruo erit corpus suum.

Mitte Angelum in occursum eius: per quem ab hostibus defendatur.

Ostende ei serenissimum iudicem sæculorum, qui ob tui gratiam, veniam ei largiatur.

Sentiat in pœnis refrigerium tuum: & concede ei locum inter electos Dei.

Psalms 20.

Domina in virtute tua lætabitur cor nostrum: & in dulcedine nominis tui consolabitur anima nostra.

De sedibus mitte nobis sapientiam: per quam in omni veritate dulciter illustremur.

A carnalibus desiderijs, cōcede gratiam abstinendi? vt lumen gratiæ in nostris cordibus oriatur.

Quam dulcia diligentibus te eloquia
tua

B. Mariæ Virg.

9

tua Domina? quam suauia sunt tuarum
stillicidia gratiarum.

Gloriam, & honorem psallam tibi, & in
nomine tuo gloriabor in sæculum.

Psalmus 21.

DEVS Deus meus, respiciat in me
meritis tuis Virgo semper Maria.

omina mea clamaui ad te per diem, &
noctem, & fecisti cum seruo tuo miseri-
cordiam tuam.

Quia ego speraui in misericordia tua;
sempiternū à me opprobriū abstulisti.

Deriserunt me inimici mei vndiq; tu
autem sub vmbra manus tuæ contulisti
mihi refrigerium bonum.

Adorent te familiæ gentium, & glori-
ficent te omnes ordines Angelorum.

Gloria tibi sit Orphanorum Mater: fac
nobis gratus sit Omnipotens Pater.
Amen.

* **Quinquagena, & Salve Regina.**

B

SAB

Psalterium

SABBATO.

Psalms 22.

Dominus regit me Virgo Dei Genitrix, quia tu amabilem vultum eius ad me conuertisti.

Benedicti sunt oculi tui splendidissimi, quos digneris misericorditer conuere-
tere super nos peccatores.

Benedictum sit lumen, & splendor faciei tuæ, benedicta sit gratia vultus tui.

Benedicta sit misericordia manuum tuarum, benedicta sit emanatio virginici lactis tui.

Benedicant te Apostoli tui, & Prophe-
tæ Dei, Martyres, Confessores, & Virgi-
nes psallant tibi.

Psalmus 23.

Domini est terra, & plenitudo eius,
tu autem Sanctissima Mater cum
eo regnas in æternum.

Gloriam, & decorem induisti, omnis
lapis preciosus amictus, & operimen-
tum tuum.

Splendor Solis super caput tuum, Lu-
naris pulchritudo sub pedibus tuis.

Sydera micantia ornant sedile tuum,
astra te glorificant iugiter matutina.

Memento nostri Domina in beneplaci-
to tuo, & fac nos dignos glorificandi
nomen tuum.

Psalmus 24.

Ad te Domina leuavi animam meam
in iudicio Dei, tuis precibus non
erubescam.

Nequè illudant mihi aduersarij mei;

B 2 etenim

etenim præsumentes de te roborantur.
Non præualeant aduersum me laquei
 mortis, & castra malignantium non im-
 pediant gressus meos.

Collide impetum eorum in virtute tua,
 & cum mansuetudine occurre animæ
 meæ.

Ductrix mea esto ad patriam, & me ca-
 tui Angelorum digneris aggregare.

Gloria tibi sit Orphanorum Mater: fac
 nobis clemens sit Omnipotens Pater.
 Amen.

* **Quinquagena.**

DOMINICA II.

Psalmus 25.

Iudica me Domina, quoniam ab inno-
 centia mea digressus sum, sed quia
 speravi in te non infirmabor.

Vre

Vre cor meum igne amoris tui, & cingulo castitatis restringe renes meos.

Quoniam misericordia tua, & clementia tua ante oculos meos; & delectatus sum in voce laudis tuæ.

Domina dilexi decorem faciei tuæ, & veneratus sum sanctam maiestatem tuâ.

Confitemini nomini eius, quoniam sanctum est? enarrantur in sæculum mirabilia eius.

Psalmus 26.

Domina illuminatio mea sit splendor faciei tuæ, & serenitas gratiæ tuæ refulgeat menti meæ.

Exalta caput meum, & ego psallam, psalmum nomini tuo decantabo.

Ne auertas faciem tuam à me, quia speciem, & decorem tuum à iuuentute mea concupiui.

Te amaui, & exquisiui Regina cœlorum, misericordiam tuam, & gratiam

Psalterium

etiam ne subtrahas à seruo tuo.

Confitebor tibi in nationibus, & thronum gloriæ tuæ honorificabo.

Psalms 27.

Ad te Domina clamabo, & exaudies me, in voce laudis tuæ lætificabis me.

Miserere mei in die angustiae meae, & in luce veritatis tuæ libera me.

Benedicta sis ò Domina in finibus omnibus orbis terræ.

Sanctuarium quod firmauerunt manus tuæ, est sanctum Templum corporis tui.

Conscientia tua munda, & immaculata est? locus propitiationis, & habitaculum sanctum Dei.

Gloria tibi sit Virginum Regina: duc nos obsecramus ad Cælorum Regna. Amen.

* Quinquagena.

FERIA SECUNDA.

Psalmus 28.

Afferte Domine nostræ Filij Dei,
afferte Domine nostræ laudem, &
reuerentiam.

Da virtutem Sanctis tuis Mater Sancta,
& benedictionem laudantibus, atq; glo-
rificantibus te.

Exaudi gemitus suspirantiū ad te; & ne
spernas vora inuocantium nomen tuū.

Sit manus tua ad succurrendum mihi
hi parata; & auris tua intendens ad de-
precationem meam.

Benedicant tibi cœli, & terra, mare, &
& orbis terrarum.

Psalmus 29.

Exaltabo te Domina, quoniam sus-
cepisti me, ab iniquo aduersario li-
berabis me.

Psalterium

Conuerte ad me, & uiuifica me: de portis mortis reduc me: & de fluctibus tribulationū, quæ circumdederunt me.

Propter imperium, & magnificentiam dexteræ tuæ: contere, & dissipa omnes aduersarios meos.

Et ego offeram tibi sacrificium laudis, & gloriam tuam deuotius exaltabo.

Exultate cœli, & iucundare terrā, quia consolatur **M A R I A** seruos suos, & pauperum suorum miserebitur.

Psalms 30.

In te Domina speraui, non confundar in æternum: in gratia tua suscipe me.

Inclina ad me aurem tuam: & in merore meo latifica me.

Tu es fortitudo mea, & refugium meum consolatio mea, & protectio mea.

Ad te Domina clamaui dum tribularetur cor meum: & exaudisti me de vertice collium æternorum.

E ducas

Educas me de laqueo, quem absconderunt mihi, quoniam tu es adiutrix mea.

In manus tuas Domina commendo spiritum meum? totam vitam meam, & diem vltimum meum.

Gloria tibi sit Virginum Regina: duc nos obsecramus ad Cœlorum Regnae Amen.

✻ *Quinquagena, & Salve.*

F E R I A T E R T I A .

Psalms 31.

BEati quorum corda te diligunt Virgo M A R I A : peccata ipsorum à te misericorditer diluentur.

Sancta, casta, & florifera vbera tua, quæ florem viriditatis perpetuæ eruperunt.

Decor pulchritudinis tuæ corruptionē non videbit, & vultus tui gratia in perpetuum non marcescet.

B 5

B cen.

Psalterium

Benedicta tu Virga Iesse sublimis, quæ
te vsque ad sedentem in throno dila-
tasti.

O Virgo Regina, ipsa es via, per quam
nos salus de supernis sedibus visita-
uit.

Psalms 32.

Exultate iusti in Virgine M A R I A,
& in rectitudine cordis laudate
eam.

Accedite ad eam cum reuerentia, & de-
votione; & delectetur cor vestrum in
salutatione vestra.

Impendite illi sacrificium laudis, &
inebriamini ab vberibus dulcoris il-
lius.

Insiuit enim vobis radios suæ pieta-
tis, & clarificabit vos fulgore misericor-
diæ suæ.

Suauissimus est fructus illius, in ore, &
In corde sapientis dulcescit.

Psal-

Psalmus 33.

Benedicam Dominam in omni tempore, & non deficiet laus eius in ore meo.

Magnificate eam mecum, omnes qui impinguati estis melle, & lacte recreationis eius.

In periculis, in rebus dubijs inuocate eam, & in necessitatibus inuenietis auxilium, & refrigerium dulce.

Sumite exemplum conuersationis eius, & æmulamini studia charitatis, & humilitatis illius.

Quia ergo Domina humillima fuisti, Verbum increatum ex te carnem suscipere coegisti.

Gloria tibi sit Virginum Regina: duc nos obsecramus ad Cœlorum Regna. Amen.

* **Quinquagena Rosarij.**

Psalterium

FERIA QVARTA.

Psalms 34.

Iudica Domina nocentes me, & contra eos exurge? & vindica causam meam.

Anima mea in te lætabitur, & tuis beneficijs deuotus exultabo.

Gratia, & dulcedine tua pleni sunt cœli & terra, vndiq; tuis beneficijs irretiuisti nos semper.

Quocumq; enim pergimus, occurrit nobis diffusio tui vteri virginalis.

Curramus ergo charissimi, & ita nobilem, & dulcissimam Virginem salutemus, vt in suæ dulcedinis gremio quiescamus.

Psalms 35.

Dixit iniustus vt peccet in abscondito: per se à malo proposito discedat Mater Dei.

Inclina

Inclina vultum Dei super nos: coge illum peccatoribus misereri.

Domina in cælo misericordia tua: & gratia tua diffusa est super terram.

Potentia, & virtus in brachio tuo, robur, & fortitudo in dextera tua.

Benedictum sit imperium tuum, super cælos: benedicta sit magnificentia tua super terram.

Psalmus 36.

Noli æmulari in malignantibus Domina? furorem eorum dulcifica per gratiam tuam.

Sperate in illa religiosi, & claustrales: confidite in illa clerici, & sæculares.

Delectamini in laudibus illius: & exaudiet petitiones cordis vestri.

Melius est modicum cum gratia illius, quam thesauri argentei, & lapides preciosi.

Gloria semper sit tibi ò Regina Cælorum

Psalterium

lorum: & in vilo tempore noli nos obli-
uisci.

Gloria tibi sit Virginum Regina: duc
nos obsecramus ad Cœlorum Regna.
Amen.

* **Quinquagena.**

FERIA QVINTA.

Psalmus 37.

Domina ne in furore arguat me Do-
minus? nobis veniam obtine de
peccatis.

In conspectu tuo sit omne desideriu no-
strum? spes nostra, & cōfidentia nostra.

Cor meum conturbatum est in me: re-
cedit lux de visceribus meis.

Illumina splendore tuo cæcitatem meā:
dulcifica dulcore tuo contritionē meā.

Ne derelinquas nos Domina Mater Dei,
gratia tua: & virtus sit à dextris meis,

Psal-

Psalmus 38.

Dixi custodiam vias meas ò Domina,
cum per te gratia Christi mihi
fuit data.

Dulcore tuo liquefactum est cor meum
amore tuo inflammata sunt viscera
mea.

Exaudi orationem meam Domina, &
deprecationem meam : & contabescant
aduersarij mei.

Miserere mei de cœlis, & de altitudine
throni tui, & ne permittas me in valle
miseriæ conturbari.

Custodi pedem meum ne lædatur, & in
fine meo sit gratia tua.

Psalmus 39.

Expectans expectavi gratiam tuam:
& fecisti secundum multitudinem
misericordiæ nominis tui.

Psalterium

Exaudisti preces meas, & eduxisti me de lacu miseriæ, & de fouea inimici.

Multa, & mirabilia sunt dona tua Domina: incomparabilia sunt munera gratiarum tuarum.

Exultent, & lætentur super te omnes qui diligunt te: qui oderunt nomen tuum corruant in infernum.

Benedicta sis in æternum Domina: in sæculum, & in sæculum sæculi.

Gloria tibi sit Virginum Regina: duc nos obsecramus ad Cælorum Regna. Amen.

* **Quinquagena, & Saluc.**

FERIA SEXTA.

Psalms 40.

BeatA MARI A intelligit super egenum, & pauperem: in cuius laudibus permanentem.

Domi-

Domina Angelorum Regina mundi/
munda cor meum igne amoris, & cha-
ritatis tuæ.

Tu es mater illuminationis cordis mei,
tu es nutrix refruens mentem meam.

Te cupit os meus collaudare, te affectat
mens mea affectuosissime venerari.

Te desiderat anima mea exorare, quia
tuitioni tuæ se commendat tota sub-
stantia mea.

Psalmus 41.

Quemadmodum desiderat ceruus ad
fontes aquarum; ita ad amorem
tuum anhelat anima mea.

Quia tu es genitrix vitæ meæ, & alitrix
reparatoris carnis meæ.

Quia tu es lactatrix Saluatoris animæ
meæ, initium, & finis totius salutis meæ.

Exaudi me Domina, vt mundentur for-
des meæ: illumina me Domina, vt illuf-
trentur tenebræ meæ.

C**A**ccen-

Psalterium

Accendatur amore tuo tepor meus: gratia tua expellatur torpor meus.

Psalms 42.

Iudica me Domina, & discerne causam meam de gente peruersa, à serpente maligno, & à dracone pestifero libera me.

Sancta fecunditas tua disperdat eum! beata uirginitas tua cõterat caput eius.

Sanctæ preces tuæ corroborent nos cõtra eum: Sancta merita tua exinaniant uirtutem eius.

Persecutorem animæ meæ mitte in abyssum: puteus infernalis deglutiat eum uiuentem.

Ego autem, & anima mea in terra captiuitatis meæ benedicam nomen tuum: & glorificabo te in sæcula sæculorum.

Gloria tibi sit Virginum Regina: duc nos obsecramus ad Cœlorum Regna. Amen.

* **Quinquagena.**

S A B-

SABBATO.

Psalmus 43.

Domina auribus nostris audiui-
& patres nostri annunciauerunt
nobis.

Quia ineffabilia sunt merita tua: & val-
de stupenda mirabilia tua.

Domina innumerabiles sunt virtutes
tuæ: & inexstimabiles misericordiæ tuæ.

Exulta anima mea, & lætare in illa: quia
multa bona sunt laudatorib⁹ præparata.

Benedicta sis Regina Cœlorum, & An-
gelorum: & benedicantur à Deo lauda-
tores magnificentiæ tuæ.

Psalmus 44.

Exultauit cor meum Verbum bo-
num Domina! cum rore mellifluo
extitit dulcoratum.

Per tuam sanctitatem peccata mea purgentur! per tuam integritatem mihi incorruptibilitas condonetur.

Per tuam Virginitatem anima mea à CHRISTO adamatur, & sibi amoris vinculo sociatur.

Per tuam fecunditatem ego captivus sum redemptus! per tuum partum virgineum de morte perpetua sum ereptus.

Per tuam prolem dignissimam perditus sum restitutus, & de exilio miseriae in patriam beatitudinis sum reductus.

Psalmus. 45.

Domina refugium nostrum tu es in omni necessitate nostra! & virtus potentior conterens inimicum.

Beneficijs tuis plenus est mundus; superant caelestia, penetrant & inferna.

Plenitudine gratiae tuae, quae in inferno erant se laetantur liberata.

Obtin-

Obtentum fecunditatis tuæ Virgineæ
quæ supra mundum sunt, se gaudent res-
taurata.

Per gloriosum tuæ virginitatis Sanctis-
simæ partum, homines Angelorum fiunt
socij, & conciuves.

Gloria tibi sit Virginum Regina: duc
nos obsecramus ad Cælorum Regna.
Amen.

* **Quinquagena.**

DOMINICA III.

Psalmus 46.

OMnes gētes plaudite manibus: psal-
lite in iubilo Virgini gloriose.

Quoniam ipsa est porta vitæ, ianua sa-
lutis, & via nostræ reconciliacionis.

Spes pœnitentium, solamen lugentium:
pax beata cordium atq; salus.

Psalterium

Miserere mei Domina, miserere mei: quia tu es lux, & spes omnium confidentium in te.

Per tuam salutarem fecunditatem, placeat ut peccatorum veniam mihi concedatur.

Psalms 47.

Magna es Domina, & laudabilis valde in ciuitate Dei Cœli: in vniuersa Ecclesia electorum eius.

Ascendisti alternantibus hymnidicis Angelicis Choris, Archangelis constipata, rosis, & lilijs coronata.

Occurrite illi potestates, & principatus, obuiate ei Virtutes, & Dominationes.

Cherubin, & Throni, & Seraphin exaltate eam: & constituite eam à dextris Sponsi, amantissimi Filij eius.

Quam lato animo, quam sereno aspectu suscepisti eam Angelorum, & homi-

hominum Deus : & dedisti ei principatum super omnem locum dominationis tuæ.

Psalmus 48.

Audite hæc omnes gentes , auribus percipite , qui ingredi cupitis Regnum Dei.

Virginem MARIAM honorate , & inuenietis vitam , & salutem perpetuam.

Pauperes seruos tuos Domina : felici confederatione coniunge CHRISTO.

Esuriem paruulorum tuorum : fructu ventris tui refice , & sustenta.

Remansisti enim incorrupta post partum : & inuiolata post Filium.

Gloria perennis tibi sit spes nostra : quæ regnas in Cœlis tolle nos ad astra. Amen.

* **Quinquagena , & Saluè.**

Pfalterium

FERIA SECUNDA.

Psalms 49.

DEVS deorum **MARIÆ** locutus est / per Gabrielem nuncium suum dicens.

Aue gratia plena Dominus tecum: per te salus mundi reparatur.

Speciem, & decorem tuum / altissimi filius concupiscit.

Adorna thalamum tuum Syon: præparare in occursum Dei tui.

Per spiritum enim Sanctum concipies; qui tuum partum faciet virgineum, & iucundum.

Psalms 50.

Miserere mei Domina; quæ mater misericordiæ nuncuparis.

E t

Et secundum viscera misericordiarum
tuarum: munda me ab omnibus iniqui-
tatibus meis.

Effunde gratiam tuam super me: & so-
litam clementiam tuam ne subtrahas à
me.

Quoniam peccata mea cōfitebor tibi:&
coram te me accuso de sceleribus meis.

Fructui ventris tui me reconcilia! & pa-
cifica me ei, qui me creauit.

Psalmus 51.

Quid gloriaris in malitia ò maligne
serpens, & draco infernalis!

Submitte caput tuum mulieri! cuius
fortitudine demergeris in profundum.

Contere eū Domina pede virtutis tuæ:
exurge, & dissipa malitiam eius.

Extingue potentiam eius; & virtutem
illius redige in fauillam.

Vt viuentes exultemus in nomine tuo:
& lato animo dicamus tibi laudem.

Psalterium

Gloria perennis tibi sit spes nostra:
quæ regnas in Cœlis tolle nos ad astra.
Amen.

✱ **Quinquagena.**

FERIA TERTIA.

Psalmus 52.

Dixit insipiens inimicus in corde
suo: hominem eijciam de taberna-
culo Filiorum Dei.

Egrediar, & ero spiritus mendax in ore
serpentis: & per fœminam eijciam vi-
rum eius.

Sicut exaltatur ð miser cœli a terris:
sic exaltatæ sunt cogitationes Dei à co-
gitationibus tuis.

Noli extolli de casu mulieris: quia mu-
lier conteret caput tuum.

Tu illi foueam præparasti: & in sagena
illius capieris.

Psal-

Psalmus 53.

Domina in nomine tuo saluum me
fac: & ab iniusticijs meis libera me.

Vt non noceat mihi calliditas inimi-
ci: sub vmbra alarum tuarum protege
me.

O Domina mea adiuua me: gratiam tuã
largire animæ meæ.

Voluntariè offeram tibi sacrificium lau-
dis: & confitebor nomini tuo, quoniam
bonum est.

Quoniam ex omni tribulatione libera-
bis me: & inimicos meos despiciet
oculus meus.

Psalmus 54.

Exaudi Domina orationem meam: &
ne contempnas deprecationem meã.

Contristatus sum incogitatione meã:
quã iudicia Dei perterruerunt me.

Tene-

Psalterium

Tenebræ mortis venerunt super me: & pavor inferni inuasit me.

Ego autem in solitudine expecto consolationem meam! & in cubili meo attendo misericordiam tuam.

Glorifica manum, & dextrum brachium tuum! ut prosternantur à nobis inimici nostri.

Gloria perennis tibi spes nostrá: quæ regnas in cælis tolle nos ad astra. Amen.

* **Quinquagena.**

FERIA QVARTA.

Psalmus 55.

Miserere mei Domina, quoniam conculcauerunt me hostes mei: quotidie omnes cogitationes eorum in malum contra me.

Excita furorem, & memento belli: & super

super eos effunde iram tuam.

In noua signa, & immuta mirabilia, ve
sentiamus adiutorium brachij tui.

Glorifica nomen tuum super nos: vt co-
gnoscamus quoniam in sæculum mise-
ricordia tua.

Et illa nobis guttam suauitatis tuæ: quia
tu es pincerna gratiæ dulcoris.

Psalmus 56.

Miserere mei Domina, miserere
mei, quia paratum est cor meum
exquirere voluntatem tuam.

Et in umbra alarum tuarum requies-
cam: quia delectabile est mihi refrige-
rium tuum.

Manus tuæ distillant myrrham primam
& digiti tui vnguenta gratiarum.

Et fragmen mali punici est guttur tui:
& spiramen oris tui suave compositum
thymiama.

Tu enim es Mater pulchræ dilectionis:
&

Psalterium

& anchora spei, portus indulgentiæ, &
ianua salutis.

Psalms 57.

SI vere utique iustitiam loquimini;
iustitiæ, & misericordiæ honorate
Reginam.

Ad laudem enim, & gloriam pertinet
Saluatoris? quidquid honorificum suæ
impensum fuerit genitrici.

Rosæ Martyrum te circumdant à Regi-
na, & Lilia Virginum ambiunt Thro-
num tuum.

Laudate eam simul astra matutina, con-
centum illi facite omnes Filij Dei.

Glorificate eam cœli, & terra: mare, ac
flumina, ac fundamenta orbis.

Gloria perennis tibi sit spes nostra:
quæ regnas in Cœlis tolle nos ad astra.
Amen.

* **Quinquagena, & Salve.**

FERIA QVINTA.

Psalms 58.

ERipe me de inimicis meis Domina mundi: exurge in occursum meum Regina pietatis.

Aurum obrizum in ornamentis tuis: sardius, & thopazius in diademate tuo.

Iaspis, & amethystus in dextera tua: berillus, & chrysoliticus in sinistra tua.

Hyacinthus, & acates in pectore tuo: carbunculi scintillantes in monilibus tuis.

Myrtha, thus, & balsamum in manibus tuis: Saphyrus, & Smaragdus indigitis tuis.

Psalms 59.

DEVS repulisti nos propter peccata nostra: & misertus es nobis per Virginem MARIAM.

Inter-

Psalterium

Intercede pro nobis salutifera Mater Dei, quæ Angelorum hominum salutem peperisti.

Tu enim mæstis exultationem infundis! & mærentibus lætitiã, & dulcoras.

Lætifica nos dulcifluo sono oris tui! & liquore tuo roseo perfunde corda nostra.

Tonate illi de super, & date illi laudem! glorifica illam terra cum omnibus habitatoribus tuis.

Psalms 60.

EXaudi Domina orationem meam, super firmam petram stabilias mentem meam.

Esto mihi turris fortitudinis, me tuaris à facie crudelis vastatoris.

Vt castrorum acies sis illi terribilis, & viuis corruat in profundum inferni.

Tu enim es rutilans, & decora? nubes rorifera, & consurgens aurora.

Pulchra

Pulchra es, & clara, & Luna plenissima
& tanquam Sol refulget sacer aspectus
tuus.

Gloria tibi sit spes nostra: quæ regnas
in cœlis tolle nos ad astra. Amen.

* **Quinquagena.**

F E R I A S E X T A .

Psalmus 61.

Nonne Domina tibi subiecta erit
anima mea! quæ Saluatorem om-
nium genuisti.

Memento nostri perditorum saluatrix:
exaudi planctus cordis nostri.

Infunde gratiam de thesauris tuis &
unguentis tuis placa dolorem nostrum.

Da nobis gaudium, & læticiam: vt con-
fundas bonorum inimicos.

Ablue omnia peccata nostra: sana om-
nes infirmitates nostras.

D

Psalmus

Psalterium

Psalms 62.

DEVS Deus meus, per Matrem te glorificabo.

Virginaliter enim te concepit, & sine angustia te parturiuit.

Benedicta sis ò Domina nostra: & pro nobis assiste ante thronum Dei.

Species, & claritas inconspetu tuo! custodi animam meam Domina, vt nunquam corruat in peccata.

Psalms 63.

EXaudi Domina orationem meam cum deprecor: à pauore crudelis libera animam meam.

Impetra nobis pacem, & salutem; in die nouissimo.

Benedicta sis super mulieres! & benedictus sit fructus ventris tui.

Illumina Domina oculos meos: & illustra cæcitatem meam.

Da mihi in te confidentiam bonam : in
vita, & in fine meo.

Gloria perennis tibi sit spes nostras
quæ regnas in Cœlis tolle nos ad astra.
Amen.

* **Quinquagena.**

S A B B A T O.

Psalmus 64.

TE decet Hymnus Domina nostra
in Syon: laus, & iubilatio in Hieru-
salem.

Benedictionem omnium gentium dedit
tibi Dominus : laudem, & gloriam ante
conspectum populorum.

Benedixit te Dominus in misericordia
sua; & thronum tuum constituit super
ordines Angelorum.

Gratiam, & decorẽ posuit in labijs tuis:
& pallio gloriæ induit corpus tuum.

Psalterium

Coronam radiantem posuit in capite tuo : & virtutum monilibus te decenter ornauit.

Psalmus 65.

Iubilate Domine nostræ omnis terra! psallite Hymnum nomini eius, date honorificentiam maiestati eius.

Benedictum sit cor tuum Domine: cum quo ardentem, & sinceriter Filium Dei dilexisti.

Respice paupertatem meam gloriosa Virgo! miseriam, & angustiam meam ne tardes remouere.

Aufer tribulationem meam, dulcifica languorem meum.

Benedicat te omnis caro: glorificet te omnis lingua.

Psalmus 66.

DEVS misereatur nostri! & benedicat nobis, per illam, quæ cum genuit.

Miserere

Miserere nostri Domina, & ora pro nobis in lætitiā bonā conuerte mæltitiā nostrā.

Illumina me Stella Maris, clarifica me Virgo clarissima.

Extingue ardorem cordis mei: refrigera me gratia tua.

Protegat me semper gratia tua: præsentia tua illustret finem meum.

Gloria perennis tibi sit spes nostras: quæ regnas in Cœlis tolle nos ad altra, Amen.

* **Quinquagena, & Salve.**

DOMINICA IIII.

Psalmus 67.

Exurgat MARIA, & dissipentur inimici eius: conterantur omnes sub pedibus eius.

Psalterium

Impetum inimicorum nostrorum dissi-
pa, destrue omnem iniquitatem eorum.

Ad te Domina clamaui in tribulatione,
& serenasti conscientiam meam.

Non deficiat laus tua in ore nostro, &
amor tuus de visceribus nostris.

Pax multa diligentibus te Domina, ani-
ma eorum non videbit mortem in æter-
num.

Psalms 68.

Saluum me fac Domina, quoniã intra-
uerunt concupiscentiarum aquæ vsq;
ad animam meam.

Infixus sum in limo peccati, & aquæ
voluptatis circundederunt me.

Plorans ploraui in nocte, & dies lætitiæ
ortas est mihi.

Salua animam meum genitrix Saluato-
ris, quia per te vera salus data est omni
mundo.

Dum nunciante Angelo fuisti obum-
brata

brata, & patris sapientia prægnans, & grauidata.

Psalmus 69.

Domina in adiutorium meum intēde: & luce misericordiæ tuæ illustra mentem meam.

Doce nos exquirere bonitatem tuam: vt enarremus mirabilia tua.

Ostende potentiam tuam contra inimicos nostros: vt sanctificeris in nationibus procul.

In ira flammæ tuæ mergantur in infernum; & qui conturbant seruos tuos inueniant perditionem.

Miserere seruorum tuorum, super quos Inuocatum est nomen tuum; & ne sinas angustiari eos in tentationibus suis.

Gloria tibi sit Regina Virginum: tecum nos perducas ad regna Cœlorum. Amen.

* **Quinquagena.**

Psalterium

FERIA SECUNDA.

Psalmus 70.

IN te Domina speravi non confundar
in æternum: in tua misericordia libe-
ra me, & eripe me.

Propter multitudinem iniquitatũ mea-
rum, oppressus sum vehementer.

Facti sunt hostes mei in capite meo, sub-
sanauerunt, & deriserunt me quotidie.

Vide Domina quoniam tribulor, expan-
de manus tuas, & succurre pereunti.

Ne moreris propter gratiam nominis
tui! vt efficiaris mihi in gaudium, & sa-
lutem.

Psalmus 71.

DEVS iudicium tuum Regi da, &
misericordiam tuam Reginae Ma-
teri eius.

In man tua salus, & vita consistunt: lætitia perpetua, & æternitas gloriosa.

Resperge cor meum dulcedine tua: fac me obliuisci miseras huius vitæ.

Trahe me post te vinculis misericordiæ tuæ, & fomentis gratiæ, & pietatis tuæ sana dolorem meum.

Concupiscentias sempiternas excita in animam meam! & de gaudio paradisi inebria mentem meam.

Psalmus 72.

Quam bonus Israel Deus, his qui colunt Matrem suam, & venerantur.

Ipsa est enim solatium nostrum, in laboribus subuentio optima.

Obtexit caligine animam meam hostis, in visceribus meis Domina lumen fac oriri.

Auertatur à me ira Dei per te, placamur meritis, & precibus tuis.

Psalterium

In iudicio pro me assiste coram eo suscipe causam meam, & mea sis aduocata.

Gloria tibi sit Regina Virginum: tecum nos perducas ad regna Cœlorum. Amen.

* **Quinquagena.**

FERIA TERTIA.

Psalms 73.

VT quid Domina repulisti nos, nec subuenis in die tribulationis.

Ingrediatur oratio mea in conspectu tuo; & voces gementium ne despereris.

Tetendit arcum suum contra nos inimicus; firmavit dexteram suam, & non est consolator.

Dirumpe in nobis ligaturam malitiarum suarum, & libera nos dextera tua.

Repelle

Repelle eum in locum perditionis; sempiterna damnatio suscipiat eum.

Psalmus 74.

Confitebimur tibi Domina, & laudabimus nomen tuum: fac nos in tuis laudibus delectari.

Cantate ei habitores terræ, & laudem eius in populis nunciate.

Confessio, & magnificentia coram illa, fortitudo, & exultatio in throno illius.

Adorate illam in decore illius, glorificate opificem pulchritudinis illius.

Recordamini in sempiternum misericordiae illius! retinete in mente virtutes, & mirabilia illius.

Psalmus 75.

Notus in Iudæa Deus! in Israel honorificentia matris eius.

Dulcis

Psalterium

Dulcis est memoria eius super mel, & fauum / & amor eius super omnia aromata.

Salus, & vita in domo illius, & in tabernaculo eius pax, & gloria sempiterna.

Honorificate illam cœli, & terra, quia summus artifex hanc mirabiliter honorauit.

Date illi omnes creaturæ laudem, & stupendam misericordiam eius extollite gratulanter.

Gloria tibi sit Regina virtutum: tecum nos perducas ad regna Cœlorum. Amen.

* **Quinquagena, & Salve Regina.**

F E R I A Q V A R T A .

Psalms 76.

Voce me ad Dominam clamaui, & sua gratia intendit mihi.

Abstulit

Abstulit à corde meo maestitiam, & maerorem! & suauitate sua cor meum dulcorauit.

Formidinem meam crexit in confidentiam bonam; & suo aspectu mellifluo mentem meam serenauit.

Adiutorio Sancto suo euasi pericula mortis, & de manu crudelis subterfugi.

Gratias Deo, & tibi mater pia, de omnibus quæ affecutus sum, de pietate, & misericordia tua.

Psalmus 77.

Atrendite populi Dei præcepta Dei, & Reginae gratiæ nolite obliuisci.

Aperite cor ad inuestigandum eam, & labia ad glorificandum illam.

Descendat amor eius in cordibus uestris! concupiscite placere illi.

Pulchritudo eius vincit Solem, & Lunam! compositio eius adorna menta uirtutum.

Mise-

Psalterium

Miserere mei Regina gloriæ, & honoris, & ab omni periculo custodi mentem meam.

Psalmus 78.

Domina venerunt gentes in hæreditatem Dei, quas tu meritis tuis **C H R I S T O** confæderasti.

Sit eloquium tuum dulce coram ipso, & coniunge me illi, qui me redemit.

Exteude brachium tuum contra hostem crudelem! & denuda mihi versutiam illius.

Vox tua dulcis super omni melodia, armonia Angelica ei non valet cõparati.

Distilla mihi suauitatem gratiarum tuarum, & tuorum charismatum fragrantiam, & odorem.

Gloria tibi sit Regina Virginum: tecum nos perducas ad regna Cœlorum. Amen.

* **Quinquagena.**

FERIA QVINTA.

Psalmus 79.

QVI Regis Israel intende, ad me matrem tuam collaudare.

Expergiscere de pulvere anima mea; perge in occursum Reginae Cœli.

Solue vincula colli tui paupercula anima mea, & gloriosis laudibus accipe illam.

Odor vitæ de illa progreditur, & omnis salus de corde illius scaturizat.

Charismatum suorum fragantia suavi, animæ mortuæ suscitantur.

Psalmus 80.

EXultate Domine adiutrici nostræ, iubilate in læticia cordis vestri.

Accendantur affectus vestri in illam! & inimicos vestros induet confusione.

Imi-

Psalterium

Imitemur humilitatem eius, obedientiam, & mansuetudinem illius.

Omnes gratiæ radiant in illa, capacissima enim fuit capacitas illius.

Currite ad illam cum deuotione Sancta; & de bonis suis participabit vobis.

Psalmus 81.

Deus in Synagoga Iudæorum, de qua vt rosa de sentibus progressa est Mater Dei.

Terge fæditatem meam. Domina, quæ semper rutilas puritate.

Fonte vitæ influe in os meum, ex quo uentes aquæ profluunt, & emanant.

Omnes sitientes venite ad illam, & de fonte suo gratanter vos potabit.

Qui hauriet ex eo saliet in vitâ aternâ, & qui bibit ex eo non sitiet vnquam.

Gloria tibi sit Regina virtutum: tecum nos perducas ad regna cœlorum. Amen.

* **Quinquagena.**

Psalterium

rentoria redemptionis tuæ.

Honorate illam peccatores, & impetrabit vobis gratiam, & salutem.

Super thus, & balsamum oratio eius, incensum preces eius non reuertuntur vacuæ, nec inanes.

Intercede pro me Domina apud Christum tuum? nequæ derelinquas me in morte, nequæ in vita.

Benignus est enim Spiritus tuus, & gratia tua replet orbem terrarum.

Psalmus 84.

Benedixisti Domine domum tuam: consecrasti habitationem tuam.

Hæc est speciosa inter filias Hierusalem: cuius memoria est in benedictione.

Beatissimam prædicauerunt illam Angeli Sancti? glorificate illam Virtutes, & Dominationes.

Populi

Populi gentium exquirite prudentiam eius? & inuestigate thesauros misericordiae illius.

Sentite de illa in bonitate, & in simplicitate cordis exquirite illam.

Gloria tibi sit Regina Virginum: tecum nos perducas ad regna Cœlorum, Amen:

* **Quinquagena, & Salve Regina
Misericordiae.**

S A B B A T O.

Psalms 35.

Incлина Domina aurem tuam, & exaudi me? conuerte vultum tuum, & miserere mei.

Distillatio dulcoris tui oblectat animas Sanctorum? & infusio charitatis tuæ super mel dulcissimum.

E 2

Irra

Psalterium

Irradiatio gloriæ tuæ dilucidat intellectum, & lux miserationum tuarum producit ad salutem.

Fons bonitatis tuæ inebriat sitientes; & aspectus faciei tuæ retrahit a peccato.

Scire, & cognoscere te est radix immortalitatis? & enarrare virtutes tuas est via salutis.

Psalmus 86.

Fundamenta vitæ in animâ iusti, perseverare in charitate vsq; in finem.

Gratia tua releuat pauperem in aduersitate? & inuocatio tui nominis immittit ei confidentiam bonam.

Miserationibus tuis repletur paradisus? & à terrore tuo hostis confunditur infernalis.

Qui sperat in te inueniet thesauros pacis, & qui te non inuocat in hac vita, non perueniet ad Regnum Dei.

Fac

Fac Domina vt viuamus in gratia Spiritus Sancti, & perduc animas nostras ad sanctum finem.

Psalmus 87.

Domina auxiliatrix salutis meæ: in die clamaui, & nocte coram te.

Ingrediatur oratio mea in conspectu tuo: consolare cum facie tua mæsticiam meam.

Multiplicata sunt mala in anima mea, expurga eam à sordibus, & peccatis.

Virtus tua persequatur inimicos nostros, ne nos impediant ad salutem.

Confer gratiam animæ ad resistendum eis, conforta cor nostrum contra concupiscentias carnis.

Gloria tibi sit Regina virtutum: tecum nos perducas ad regna Cœlorum.
Amen.

* **Quinquagena.**

Psalterium

DOMINICA V.

Psalmus 88.

Misericordias tuas Domina, in sempiternum de cantabo.

Vnguento pietatis tuæ medere contritis corde; & oleo misericordiæ tuæ refoue dolores nostros.

Gratiosus tuus vultus mihi appareat in extremis, formositas faciei tuæ lætificet spiritum meum egredientem.

Excita spiritum meum ad amandum bonitatem tuam; excita mentem ad extollendam nobilitatem, & preciositatem tuam.

Libera me ab omni tribulatione malæ, & ab omni peccato custodi animam meam.

Psalmus 89.

Domina refrigerium facta es nobis,
in cunctis necessitatibus nostris.

Diffusio gratiæ tuæ producit operatio-
nes tuas, & stillicidium dulcoris tui affe-
ctiones facit Sanctissimas.

Miserationum tuarum Domina recor-
dabor, sacrificium laudis, & carmen læ-
titiæ psallam tibi.

Qui honorant te, coronam perennem
pro cinere obtinebunt, & pallium laudis
pro spiritu mæroris.

Qui sperant in te, amicti lumine in-
duentur, gaudium, & perpetuam læti-
tiam sortientur.

Psalmus 90.

QVI habitat in adiutorio Matris
Dei, in protectione ipsius commo-
rabitur.

Psalterium

Conkursus hostis non nocebit ei: sagitta volans non tanget eum.

Quoniam liberabit eum de laqueo insidiantis, & sub pennis suis proteget eum.

Clamate ad illam in periculis vestris: & flagellum non appropinquabit tabernaculo vestro.

Fruſtus gratiæ inueniet qui sperauerit in illa: porta paradisi reſerabitur ei.

Gloria tibi ſit aduocata noſtra: ſeruos tecum ducas ad regna beata. Amen.

* **Quinquagena.**

FERIA SECUNDA.

Pſalmus 91.

Bonum eſt cōfiteri Virgini MARIÆ:
& pſallere illi gloriam proſperitas
eſt mentis.

Annunciare merita eius lætificat intel-
lectum

lectum, & imitari opera eius exhilarat
 Angelos Dei.

Qui acquirit gratiam eius agnoscetur
 à ciuibus paradisi, & qui habuerit cha-
 racterem nominis eius, annotabitur in
 libro Vitæ.

Exurge Domina, & iudica causam nos-
 tram: & ab insurgentibus in nos libera
 nos.

Ne retrahas à peccatore dexteram tuâ?
 & excipe gladio tuo iacula vastatoris.

Psalmus 92.

Dominus regnavit decorem induit!
 matremq; suam ornamento coro-
 navit virtutum.

Adimpleat propitiationem suam in no-
 bis mater pacis, & viam æquitatis do-
 ceat seruos suos.

Qui desideratis Sapientiam CHRISTI?
 seruite Matri eius animo reuerenti.

Quis satisfaciet enarrare opera tua Do-
 mina?

Psalterium

mina? & quis inuestigabit thesauros misericordiae tuae.

Sustine deficientes in tentationibus suis? destina illos in sortem veritatis.

Psalmus 93.

DEVS ultionum Dominus: sed tu Mater Misericordiae ad miserendum inflectis.

Magnificencia tua Domina praedicatur in saeculum, qui autem colunt te inuenient viam pacis.

Seruite illi reuerenter exultantes; & sanabit vos benedictus fructus castissimi ventris illius.

Respice Domina humilitatem seruorum tuorum? & laudabunt te in generationibus saeculorum.

Magnifica nomen tuum in multiplicatione gratiarum tuarum; & ne sinas seruos tuos subiacere periculis.

Gloria

Gloria tibi sit aduocata nostra: seruos tecum ducas ad regna beata. Amen.

* **Quinquagena, & Salue Regina.**

FERIA TERTIA.

Psalms 94.

Venite exultemus Dominæ nostræ, iubilemus Reginae Dominæ nostræ.

Præoccupemus faciem eius in iubilatione, & in canticis collaudemus eam.

Venite adoremus, & procidamus ante eam, confiteamur illi cum fletibus peccata nostra.

Impetra nobis indulgentiam plenam, assiste pro nobis ante tribunal Dei.

Suscipe in fine animas nostras: & introduce nos in requiem æternam.

Psal.

Psalterium

Psalms 95.

Cantate plenæ gratiæ canticum nouum? Cantate **MARIÆ** omnes terrigenæ orbis.

Quoniam omnes Angelos sanctitate præcellit, & natos mulierum, virtutibus mirabilibus, & signis.

Formositas, & gloria in vultu illius, & gratia in oculis eius.

Afferte illi gloriam patriæ gentium, exultate in ea omnes creaturæ Dei.

Admirabile commercium habetis per eam, ex qua vocati estis Filij Dei excelsi.

Psalms 96.

Dominus regnavit, exaltet **MARIA**, omni imperio dominationis suæ.

Adorate eam ciues curiæ paradisi, exaltate eam Virgines speciosæ Filia eius.

Quo-

Quoniam eleuata est super Principatus, & Dominationes, & exaltata est super Angelorum, & Archangelorum legiones.

Patriarchæ, & Prophetæ concrepate illi laudem? concentum illi facite Apostoli, Martyresq; CHRISTI.

Confessores cum Virginibus de Canticis Syon dicite Canticum ei? & gratiamini ei Monachi Sancti de acceptis triumphis.

Gloria tibi sit aduocata nostra: seruos tecum ducas ad regna beata. Amen.

* *Quinquagena.*

FERIA QVARTA.

Psalms 97.

Cantate Dominæ nostræ canticum nouum? quia mirabilia fecit.

In

Psalterium

In conspectu gentium revelauit Misericordiam suam, in extremis terræ auditum est nomen eius.

Recordare Domina pauperum, & miserorum? & sustenta eos ope refrigerij Sancti tui.

Tu autem Domina suavis, & verax, patiens nimis, & miseratione plena.

Conculca hostes animarum nostrarum, & contumacia illorum elide brachio Sancto tuo.

Psalmus 98.

Dominus regnauit irascatur populi,
M A R I A sub Cherubin sedet à dextris.

Magna est in Syon gloria tua Domina, & in Hierusalem magnificentia tua.

Cantate ante eam Chori Virginales? & adorate Thronum eius, qui Sanctus est.

In dextera eius ignea lex, & in circuitu eius Sanctorum millia.

Mandata eius ante oculos eius: & iustitiæ regula in corde eius.

Psalmus 99.

Iubilate Dominae nostræ humiles terræ? seruite illi in lætitia, & iucunditate.

In toto animo vestro accedite ad illam, & in omni virtute vestra conseruate vias eius.

Inuestigate illam, & manifestabitur vobis? estote mundi corde, & apprehendete eam.

Quibus auxiliata fueris Domina erit refrigerium pacis, & à quibus auerteris vultum tuum non erit spes ad salutem.

Recordare nostri Domina, & nō apprehendent nos mala? succurre nobis infirmitate, & inueniemus vitam æternam.

Gloria

Psalterium

Gloria tibi sit aduocata nostra: seruos tecum ducas ad regna beata. Amen.

* **Quinquagena.**

FERIA QVINTA.

Psalms 100.

Misericordiam, & iudicium cantabo tibi Domina? psallam tibi in exultatione cordis cum lætificaberis animam meam.

Laudabo nomen tuum, & gloriam, & præstabis refrigerium animæ meæ.

Zelatus sum amorem tuum, & honorẽ? immo defende causam meam ante iudicem sæculorum.

Dilectus sum gratia, & bonitate tua, orone frauder à spe, & confidentia bona.

Conforta animam meam in nouissimis? & in carne illa fac me conspicerere Saluatorem.

Psal-

B. Mariæ Virg.

41

Psalmus 101.

Domina exaudi orationem meam, & clamor meus ad te veniat.

Non auertas sacrum aspectum tuum à me: neq; abomineris me propter immunditiam meam.

Non derelinquas me in cogitatu, & consilio inimicorum meorum, & ne sinas me cadere in exprobrationem illorum pessimam.

Qui confidunt in te non timebunt colubum tortuosum? & qui exaltant te præconijs, euadunt manus Acherontis.

Per Virginalem conceptum tuum da mihi in te confidentiam bonam, & per admirabilem partum tuum lætifica animam meam.

Psalmus 102.

Benedic anima mea Matri IESU CHRISTI? & omnia præcordia mea glorificate nomen eius.

E

Ne

Psalterium

Ne obliuiscaris beneficia eius, nec gratiam, & consolatus illius.

Gratia eius peccata relaxantur, & misericordia eius ægritudines reparantur.

Benedicite ei omnes virtutes Cœlorum, glorificate eam Chori Apostolorum, & Prophetarum.

Benedicite ei mare, & insulæ gentium, Hymnum dicite ei Cœli, & habitatores eorum.

Gloria tibi sit aduocata nostra: seruos tuos tecum ducas ad regna beata. Amen.

* **Quinquagena, & Salve Regina.**

FERIA SEXTA.

Psalmus 103.

Benedic anima mea Virgini MARIÆ & honor, & magnificentia eius in perpetuum.

For.

Formositatem, & pulchritudinem induisti; amicta es Domina fulgenti vestimento.

De te procedit peccatorum medela, & pacis disciplina, ac feruor charitatis.

Imple nos seruos tuos virtutibus Sanctis; & ira Dei non appropinquet nobis.

Iucunditatem æternam da seruatoribus tuis? & noli eos obliuisci in certamine mortis.

Psalmus 104.

Confitemini Dominæ nostræ; & inuocate nomen eius, cantate ei gloriosæ, narrantes virtutes eius.

Laudate, & exalate eam Virgines Filix Syon? quia desponsabit vobis Regem Angelorum.

Honorate Reginam plenam omni gratia? & contemplamini cum reuerentia sanctissimum vultum eius.

Psalterium

Salus sempiterna in manu tua Domina,
qui te digne honorificauerunt suscipient
illam.

Clementia tua non deficiet à sæculis
æternis? & misericordia tua à genera-
tione in generationem.

Psalmus 105.

Confitemini Dominae nostræ quo-
niam bonum est? per cunctas tribus
terræ enarrate misericordias eius.

Longe est ab impijs conuersatio eius? à
via altissimi non declinabit pes eius.

Fons irrigantis gratiæ procedit de ore
illius: & emanatio virginalis sanctificans
animas castas.

Spes de gloria paradisi in corde illius?
qui deuoto animo honorificauerit il-
lam.

Miserere nostri fulgentissima Regina
Cœli? & præsta consolationem de gra-
tia tua.

Gloria

Gloria tibi sit aduocata nostra: seruos tecum ducas ad beata. Amen.

* **Quinquagena.**

S A B B A T O.

Psalmus 106.

Confitemini Domino quoniam bonum? confitemini Matri eius, quoniam in sæculum misericordia eius.

Innocentiam, & viam prudentiæ ostende nobis Domina; & viam intelligentiæ indica seruis tuis.

Timor Dei illustrat intellectum, & amor tuus exhilarat illum.

Beatus vir, cuius eloquium est tibi gratum; illius ossa impinguabuntur adipe, & pinguedine.

Eloquium tuum sustentat animam imbecillem? & labia tua esurientem animam refocilant.

Psalterium

Psalms 107.

Paratum cor meum Domina paratum cor meum? laudes tibi psallere, & cantare.

Maior est charitas tua cunctis diuitijs? & gratia tua super aurum, & lapidem preciosum.

Beatitudo & iustitia donantur à Deo? qui autem de peccatis conuersi fuerint ad te, poenitentiae remedium consequentur.

Emisiones tuae gratia, & pax; qui autem tibi placuerit, procul fiet à perditione.

Esto umbraculum protectionis in tentationibus nostris? expansio alarum tuarum defendat nos à deuorante.

Psalms 108.

Domina laudem meam ne despexeris? & hoc deditum tibi Psalterium digneris acceptare.

Respice voluntatem cordis mei, & affectionem meam fac tibi beneplacentem.

Propterea ad visitandum seruos tuos subtegumento manus tuæ illæsi conseruentur.

Illuminationem Spiritus Sancti per te suscipiant, & refrigerium contra cupiditatis æstum.

Medere contritos corde Domina, & refoue eos vnguento pietatis.

Gloria tibi sit aduocata nostra: seruos tecum ducas ad regna beata. Amen.

* **Quinquagena.**

DOMINICA VI.

Psalms 109.

Dixit Dominus Dominae nostrae, sede
Mater mea à dextris meis.

Bonitas, sanctitas, placuerunt tibi, ideo
regnabis mecum in æternum.

Corona immortalitatis in capite Sancto
tuo, cuius fulgor, & claritas non extin-
guetur.

Miserere nostri Domina Mater luminis,
& splendoris; illumina nos Domina Ve-
ritatis, & Virtutis.

De thesauris tuis infunde nobis Sapien-
tiam Dei, & intellectum prudentiæ, ac
formam disciplinæ.

Psalmus 110.

Confitebor tibi Domina in toto animo meo, glorificabo te in tota mente mea.

Opera gratiæ tuæ commemorabuntur, & testamentum misericordiæ tuæ ante thronum Dei.

Per te missa est redemptio à Deo, populus pœnitens habebit spem salutis.

In intellectus bonus omnibus honorantibus te? & fors illorum inter Angelos pacis.

Gloriosum, & admirabile est nomen tuum? qui illud retinent non expauescent in puncto mortis.

Psalmus 111.

Beatissimus vir, qui timet Dominam, & beatum cor, quod diligit illam.

Iucundus homo qui non satiatur laude tua?

Psalterium

tua? & à relatu virtutum tuarum non fatigatur.

Exortum est in corde illius lumen Dei, Spiritus Sanctus illuminat intelligentiam eius.

Disperge Domina gratiam tuam pauperibus tuis? esurientes refoue, & egenos.

In memoria æterna fiunt per te Domina? ab auditu terribili non trepidet cor nostrum.

Gloria tibi sit Imperatrix poli: tecum nos perducas ad gaudia Cœli. Amen.

* **Quinquagena, & Salve Regina.**

FERIA SECUNDA.

Psalmus 112.

Laudate pueri Matrem Dei, glorificate senes nomen eius.

Bene-

Benedicta sit MARIA Mater CHRISTI?
ipsa enim est via ad Patriam Sanctita-
tis.

Excellsus super Cherubin thronus eius,
& sedes eius super cardines Cœli.

Super humiles vultus eius, & super cō-
fidentes in eam aspectus illius.

Misericordia eius super omnem car-
nem? & eleemosina illius vsq; ad extre-
mum terræ.

Psalmus 113.

IN exitu animæ meæ de hoc mundo,
occurre illi Domina, & suscipe eam.

Console eam vultu Sancto tuo? aspe-
ctus Dæmonis non conturbet illam.

Esto illi scala ad Regnum Cœlorum, &
iter rectum ad paradisum Dei.

Impetra ei à Patre indulgentiam pacis?
& sedem lucis inter seruos Dei.

Sustine deuotos ante tribunal Christi?
suscipe

Psalterium

fufcipe aufam eorum in manibus
tuis.

Pfalms 114.

Dilexi Matrem Dei Domini mei : &
lux miferationum eius infulfit mi-
hi.

Circundederunt me dolores mortis , &
uifitatio M A R I Æ lætificauit me.

Dolorem & periculum incurri , & re-
creatus fum gratia illius.

Nomen eius , & memoriale illius fit in
medio cordis noſtri? & non noccebit no-
bis iſtus malignantis.

Conuerte anima mea in laudem ipſius:
& inuenies refrigerium in nouiſſimis
tuis.

Gloria tibi fit Imperatrix poli : tecum
nos perducas ad gaudia Cœli. Amen.

* **Quinquagena.**

FERIA TERTIA.

Psalmus 115.

Credidi propter quod locutus sum
gloriam tuam Domina orbi terræ.

Compatere animæ meæ, & dirige illam
dignare beneplacitum tuum insinuare
illi.

Statue illi testamentum pacis, & dile-
ctionis tuæ: præbe illi ingenui memo-
riam nominis tui.

De benedictione ventris tui da mihi sus-
tentationem, & de pinguedine gratiæ
tuæ dulcora animam meam.

Dirumpe vincula peccatorum meorum:
& de virtutibus exorna faciem animæ.

Psalmus 116.

Laudate Dominam nostram omnes
gentes? glorificate eam omnes po-
puli.

Quo-

Psalterium

Quoniam confirmata est super nos gratia, & Misericordia eius: & veritas illius permanet in æternum.

Qui digne coluerit illam iustificabitur: qui autem neglexerit illam morietur in peccatis suis.

Labia Angelorum enarrabunt sapientiam eius? & omnes ciues paradisi cantabunt eius laudem.

Bono animo accedentes ad illam; non capientur ab Angelo deualtante.

Psalms 117.

Confitemini Domino quoniam bonus, confitemini Matri eius quoniã in seculum Misericordia eius.

Amor illius expellit peccatum à corde? & gratia illius expiat conscientiam peccatoris.

Via veniendi ad CHRISTVM est appropinquare ad illam? qui autem fugerit eam, non inueniet viam pacis.

Qui

Qui obduratus est in peccatis sæpe in-
uocet illam: & lux in suis tenebris orle-
tur.

Qui tristatur in corde suo clamet ad il-
lam? & dulcoranti stillicidio inebria-
bitur.

Gloria tibi sit Imperatrix poli: tecum
nos perducas ad gaudia Cœli. Amen.

* **Quinquagesima.**

F E R I A Q V A R T A .

Psalms 118.

Beati immaculati in via, qui Matrem
Domini imitantur.

Beati imitatores humilitatis eius: beati
participes charitatis illius.

Beati perscrutatores virtutum illius:
beati conformes ïmagini illius.

Beati

Psalterium

Beati qui conceptum, & partum illius
venerantur, beati qui deuotè ei famu-
lantur.

Beati qui in ea habent spem, & confi-
dentiam, beati qui per illam suscipiunt
fœlicitatem sempiternam.

Psalms 119.

AD Dominam cum tribularer cla-
maui, & exaudiuit me.

Domina libera nos ab omni malo, cun-
ctis diebus vitæ nostræ.

Contere caput inimicorum nostrorum,
pede insuperabilis virtutis tuæ.

Vt exultauit Spiritus tuus in Deo salu-
tari tuo? sic veram digneris infundere
lætitiâ cordi meo.

Ad Dominum accede rogatura pro no-
bis: & per te nostra peccata deleantur.

Psalmus 120.

Leuauit oculos meos ad te Mater
CHRISTI? per quam venit so-
latium omni carni.

Auxilium tuum, & gratiam tuam nobis
impende? in omni tribulatione no-
stra.

Custodi nos Domina Virgo M A R I A,
ne peccatorum laqueo capiamur.

Non dormit neq; dormiet pupilla ocu-
li tui, ut tua semper custodia prote-
gamur.

Angelorum, & hominum te laudat om-
nis lingua, & ante te omnia genua cur-
uantur.

Gloria tibi sit Imperatrix poli: tecum
perducas ad gaudia Cœli. Amen.

* **Quinquagena, & Salue Regina.**

FERIA QVINTA.

Psalmus 121.

Lætatus sum in te Regina Cœli: quia
te duce, in domum Domini ibi-
mus.

Hierusalem cœlestis ciuitas, ad **MARIÆ**
præmia veniamus.

Pacem & indulgentiam Virgo nobis im-
petra, & palmam de hostibus, & trium-
phum.

Conforta & consolare cor nostrum, tuæ
dulcedine pietatis.

Sic Domina nobis infunde clementiam,
vt deuotè in Domino moriamur.

Psalmus 122.

Ad te leuaui oculos meos Regina,
quæ Regnas in Cœlis.

A diu-

Adiutorium nostrum in virtute sic nominis tui: per te omnia opera nostra dirigantur.

Benedicta sis in Cœlo, & in terra, in mari, & in omnibus abyssis.

Benedicta sit fecunditas tua, benedicta sit virginitas, & munditia tua.

Benedictum sit corpus tuum Sanctum: benedicta sit anima tua Sanctissima.

Psalmus 123.

Nisi quia Domina nostra erat in nobis, inuenissent nos pericula multa.

Esto Virgo defensatrix nostra; & ante Deum aduocata propitia.

Ostende nobis Domina Misericordiam tuam, & conforta nos in seruitio Sanctuo.

Benedicant te Sancti Angeli in Cœlo; benedicant te omnes homines super terram.

Psalterium

Non tradas bestijs animas confitentium
tibi; ora te canentium non obturentur.

Gloria tibi sit Imperatrix poli: tecum
nos perducas ad gaudia Cœli. Amen.

* **Quinquagena.**

FERIA SEXTA.

Psalmus 124.

QVI confidunt in te Mater Dei, non
timebunt à facie inimici.

Gaudete, & exultate omnes, qui diligi-
tis eam; quia adiuuabit vos in die tribu-
lationis vestræ.

Reminiscere miserationum tuarum Do-
mina: & releua peregrinationem inco-
latus nostri.

Conuerte amabilem vultum tuum super
nos: confunde, & destrue inimicos no-
stros.

Bene;

B. Mariæ Virg.

51

Benedicta sint omnia opera manuum
tuarum Domina: benedicta sint omnia
Sancta miracula tua.

Psalmus 125.

IN conuertendo faciem tuam serenif-
simam super nos: lætificabis nos vir-
ginea Mater Dei.

Benedicta sis o Sacrarium CH R I S T I,
præcunctis mulieribus super terram.

Benedictum sit gloriosum nomen tuum:
quod os Domini mirabiliter nomina-
uit.

Non deficiat laus tua de labijs nostris,
nec charitas tua de præcordijs nostris.

Qui te diligunt benedicantur à Deo, &
qui te volunt diligere non defraudentur
à fide.

Psalmus 126.

Nisi Domina ædificaueris domum
cordis nostri: non permanebit æ di-
ficium eius.

Psalterium.

Redifica nos gratia, & virtute tua, vt maneamus firmi in perpetuum.

Benedictum sit eloquium tuum, & benedicta sint omnia verba oris tui.

Benedicantur à Deo qui te benedicunt, & in iustorum numero computentur.

Benedic Domina te benedicentes, & ne vnquam auertas ab eis gratiosum vultum tuum.

Gloria tibi sit Imperatrix poli: tecum nos perducas ad gaudia Cœli. Amen.

[* **Quinquagena.**

S A B B A T O.

Psalms 127.

Beati omnes qui timent Dominam nostram? & beati omnes qui sciunt facere voluntatem tuam, & beneplacitum tuum.

Bene-

Psalterium

Benedicti sunt Pater & Mater qui te genuerunt: quorum memoria permanet in sæculum.

Benedictus est venter, qui te portauit; & benedicta sint vbera, quæ te lactauerunt.

Conuerte misericordiam tuam super nos? & deprecabilis esto super seruos tuos.

Intuere, & respice opprobrium nostrum? aufer à nobis cunctas iniquitates nostras.

Psalmus 128.

Sæpe expugnauerunt me à iuventute mea inimici mei: libera me Domina, & vindica me ab ipsis.

Nedes illis potestatem in animam meam? custodi omnia interiora, & exteriora mea.

Obtine nobis veniam peccatorum, per Spiritus Sancti gratia nobis detur.

Psalterium

Fac nos digne, & laudabiliter pœnitere, vt beato fine ad Deum veniamus.

Placatum tunc, & serenissimum nobis ostende gloriosum fructum ventris tui.

Psalmus 129.

DE profundis clamaui ad te Domina : Domina exaudi vocem meam.

Fiant aures tuæ intendentes in vocem laudis, & glorificationis tuæ.

Libera me de manu aduersariorũ meorum? confunde ingenia, & conatus eorum contra me.

Erue me in die mala : & in die mortis ne obliuiscaris animæ meæ.

Deduc me ad portum salutis? inter iustos scribatur nomen meum.

Gloria tibi sit Imperatrix poli : tecum nos perducas ad gaudia Cœli. Amen.

* **Quinquagena.**

D O-

DOMINICA VII.

Psalmus 130.

Domina non est exaltatum cor meū?
neq; sublimati sunt oculi mei.

Benedixit te Dominus in virtute sua?
qui per te ad nihilum redigit inimicos
nostros.

Benedictus sit qui te sanctificauit? &
mundam de Matris utero te produxit.

Benedictus sit qui te obumbravit, & sua
gratia te fecundauit.

Benedic nos Domina, & conforta nos in
gratia tua, vt per te ante conspectum
Domini præsentemur.

Psalmus 131.

Memento Domina Dauid, & omniū
inuocantium nomen tuum.

Psalterium

Da nobis in nomine tuo fiduciam; & confundantur aduersarij nostri.

Confolare nos in terra peregrinationis nostræ? & releua paupertatem nostram.

Da nobis panem lachrymarum Virgo Sancta? & dolorem peccatorum in terra incolatus nostri.

Redde nobis propitium benedictum ventris tui, vt Spiritus Sancti gratia repleamur.

Psalmus 132.

Ecce quam bonum, & quam iucundum, M A R I A diligere nomen tuum.

Vnguentum effusum, & aromaticum est nomen tuum? diligentibus ipsum.

Quoniam magna multitudo dulcedinis tuæ Domina, quam præparasti diligentibus, & sperantibus in te.

Esto

Esto refugium pauperum in tribulatione, quia tu es baculus pauperum, & miserorum.

Inueniant (quæso) gratiam apud Deū, qui te in suis necessitatibus inuocabunt.

Gloria, laus, honor, Virgini MARIÆ: quæ secum nos trahat ad Regnum gloriæ. Amen.

* **Quinquagena.**

FERIA SECUNDA.

Psalmus 133.

Ecce nunc benedicite Dominam, omnes qui speratis in nomine Sancto eius.

Gaudete gaudio magno, qui exultatis, & glorificatis eam? quia lætamini ab ubertate consolationis eius.

Ecce

Pfalterium

Ecce nunc inundante vbertate declina-
bit in vos ad consolandum, & lætifican-
dum corda vestra.

Benedicite illam omnes serui eius, &
memoriale sit in desiderio animæ ve-
stræ.

Benedicite illam omnes Angeli, & San-
cti Dei, laudate in secula mirabilia eius.

Psalms 134.

Laudate nomen Domini, benedicite
nomen MARIÆ Matris eius.

MARIÆ prætamina frequentate, &
suscitabit vobis voluptates sempiter-
nas.

In anima contrita veniamus ad illam? &
non stimulat nos cupiditas peccati.

Qui cogitat de illa intranquillitate mē-
tis: inueniet dulcorē, & requiem pacis.

Respiremus ad illam, in finitione no-
stra, & reserabit nobis atria triumphan-
tium.

Pfal-

Psalmus 135.

Confitemini Domino, quoniam bonus, quoniam per suam dulcissimam Matrem Virginem Virginem MARIAM datur Misericordia eius.

Impetra nobis Domina amicitiam IESU CHRISTI? & custodi nos ne perdamus innocentiam nostram.

Comprime hostem nostrum Imperio tuo, ne feriat in nobis virtutem charitatis.

Bona naturalia conserua in nobis, & bona gratiæ per te multiplicentur.

Illumina vias, & semitas nostras, vt noscamus quæ beneplacita sunt Deo.

Gloria, laus, honor Virgini MARIÆ: quæ secum nos trahat ad Regnum gloriæ Amen.

* **Quinquagena.**

FERIA TERTIA.

Psalmus 136.

Super flumina Babylonis fleuerunt
Hebræi? nos verò super iniquitates
nostras lugeamus.

Clamemus humiles ad puerperam Vir-
ginem? offeramus ei planctus, & suspi-
ria nostra.

Non inuenitur propitiatio sine illa; nec
salus sine fructu illius.

Per illam peccata purgantur, & per fru-
ctum illius, animæ dealbantur.

Per illam fit satisfactio peccatis, per fru-
ctum illius sanitas condonatur.

Psalmus 137.

Confitebor tibi Domina in toto cor-
de meo? quia per te expertus sum
clementiam IESV CHRISTI.

Audi

Audi Domina Verba mea, & preces meas: & in conspectu Angelorum cantabo tibi laudes.

In quacumq; die inuocauero te exaudi me: & multiplica virtutem in anima mea.

Confiteantur tibi omnes tribus, & linguæ? quia per te salus restituta est nobis.

Ab omni perturbatione libera seruos tuos? & fac eos viuere subpace, & protectione tua.

Psalmus 138.

Domina probasti me, & cognouisti me, ruinam, & transgressionem meam.

Copiosa facta est super me Misericordia tua? & dilata est super me clementia.

Imperfectum meum aspexit oculus tuus, & palpebræ tuæ nouerunt vias meas.

Affluen-

Psalterium

Affluentiam desiderij sancti habeamus
à Spiritu Sancto, & macula peccati non
turpet conscientiam nostram.

Serenet corda nostra lux misericordiæ
tuæ; & recreet nos tuæ pacis dulcedo.

Gloria, laus, honor Virgini M A R I Æ:
quæ secum nos trahat ad Regnum glo-
riæ. Amen.

* **Quinquagena, & Saluc.**

FERIA QVARTA.

Psalms 139.

ERipe me Domina ab omni malo, &
ab hoste inferni defende me.

Contra me tetendit arcum suum, & in-
fraude sua insidiatur mihi.

Constringe vires eius malignas, & ob-
tunde potenter astutias eius.

Conuerte iniquitatē ipsius in verticem
illius,

illius, & in foueam quam fecit cadat festinanter.

Nos autem exultemus in seruitio tuâ & in tuis laudibus gloriemur.

Psalmus 140.

Domina clamaui ad te, exaudi me; intende orationi meâ, & postulationi meâ.

Dirigatur obsecratio meâ, velut incensum coram facie tua; & in tempore serotini sacrificij, & maturini.

Non declinet cor meum in verbis malignantibus, & nequitie cogitatus non subuertant sensum meum.

Fac me assentire beneplacito cordis, & tuis actionibus conformari.

Gladio intelligentie, reuerbera cor meum, & ignicula charitatis inflamma mentem meam.

Psalterium

Psalmus 141.

Voce mea ad Dominam clamaui, ipsamq; humiliter deprecatus sum.

Effudi in conspectu eius lachrymam meam, & dolorem meum tibi exposui.

Insidiatur hostis calcaneo meo, extendit contra me, rete suum.

Adiuva me Domina ne corruam coram eo, fac ut conteratur sub pedibus meis.

Educ de carcere animam meam, ut confiteatur tibi, & psallat Deo forti in perpetuum.

Gloria, laus, honor Virgini MARIÆ: quæ secum nos trahat ad Regnum gloriæ. Amen.

* *Quinquagena.*

FERIA QVINTA.

Psalmus 142.

Domina exaudi orationem meam,
percipe tuis auribus supplicatio-
nem meam.

Persecutus est malignus vitam meam, de-
posuit in terra conuersationem meam.

Denigravit me caligine sua : & anxius
est nimis Spiritus meus.

Ne auertas faciem tuam à me : & non
corruam cum descendentibus in lacum.

Emitte lucem tuam, & gratiam tuam, &
repara denuo vitam meam, & conscien-
tiam meam.

Psalmus 143.

Benedicta sis Domina, quæ instruis
seruos tuos ad prælium ? & eos ro-
boras contra inimicum.

Fulgure, & conuscatione dissipa illum:
mitte iacula tua vt confundas illum.

Psalterium

Clarifica de alto manum tuam, & cantet serui tui laudem, & gloriam tuam.

Eleua de terrenis affectionem nostram: de sempiternis delitijs refice viscera nostra.

Concupiscentiam supernorum accende in cordibus nostris: & de gaudijs paradisi velis nos recreare.

Psalmus 144.

Exaltabo te Mater Filij Dei, & per singulos dies cantabo laudes tuas.

Generatio, & populi laudabunt opera tua? & misericordiam tuam insulæ expectabunt.

Abundantiam dulcoris tui Angeli erubunt, & suauitatem tuam Sancti pronuntiabunt.

Oculi nostri sperant in te Domina, mitte nobis cibum, & escam delectantem.

Laudationem tuam loquatur lingua mea, & benedicam te in sæculum sæculi.

Gloria,

Gloria, laus, honor Virgini MARIÆ:
quæ secum nos trahat ad Regnum glo-
riæ. Amen:

* **Quinquagena.**

FERIA SEXTA.

Psalmus 145.

Lauda anima mea Dominam, glorifi-
cabo eam quandiu vixero.

Nolite cessare à laudibus eius, & per
singula momenta recogitate illam.

Cum exierit Spiritus meus Domina, sit
tibi commendatus, & in terra ignota
præsta illi ducatum.

Non conturbent eum culpæ prius com-
missæ, nec inquietent ipsum occursum
malignantis.

Perduc eum ad portum salutarem, ibi
præstoletur securè aduentum Redem-
ptoris.

Psalterium

Psalmus 146.

Laudate Dominam, quoniam bonus est Psalmus? iucunda, & decora sit illi nostra laudatio.

Ipsa enim medetur contritis corde, & refouet eos unguento pietatis.

Magna est virtus illius, & clementia eius nullum habet finem.

Praecinire ei in iubilatione, & in confessione Psalmum canite illi.

Beneplacitum est ei super timentes Deum, & in eis qui sperant de misericordia eius.

Psalmus 147.

Lauda Hierusalem Dominam, glorifica illam etiam, o Syon.

Ipsa enim construit muros tuos, & Filios tuos benedicet.

Gratia tua te impinguat, pacemque donat terminis tuis.

Emisit Verbum suum altissimus, & virtus eius obumbravit illi.

Leuca-

Leuemus corda nostra cum manibus ad illam, vt suam influentiam sentiamus.

Gloria, laus, honor Virgini MARIÆ: quæ secum nos trahat ad Regnum gloriæ. Amen:

* *Quinquagena, & Salve,*

SABBATO.

Psalms 148.

Laudate Dominam nostram de Cœlis: glorificate eam in excelsis.

Laudate eam omnes homines, & iumenta, volucres Cœli, & pisces maris.

Laudate eam Sol, & Luna, Stellæ, & circuli planetarum.

Laudate eam Cherubin, & Seraphim Throni, Dominationes, & Potestates.

Laudate eam omnes legiones Angelorum, laudate eam omnes Ordines Spirituum supernorum.

Psalterium

Psalms 149.

Cantate Dominæ nostræ Canticum nouum, laus eius in congregatione iustorum.

Fætentur Cœli, de gloria eius, insulæ maris, & totus orbis.

Aqua, & ignis laudent eam, frigus, & æstus, splendor, & lumen.

Exultationes eius in gutture iustorum; & laudes eius in cætu triumphantium.

Ciuitas Dei iucundare in illa, & pro incolis tuis, frequenta illi carmen.

Psalms 150.

Laudate Dominam in sanctis eius: laudate eam in virtutibus, & miraculis eius.

Laudate eam cætus Apostolorum laudate eam Chori Patriarcharum, & Prophetarum.

Laudate

Laudate eam exercitus Martyrum, laudate eam turmae Doctorum, & Confessorum.

Laudate eam in Collegio Virginum, & continentium: laudate eam Ordines Anachoritarum, & Monachorum.

Laudate eam Conuentus Religiosorum omnium? laudate eam omnes animæ civium supernorum, omnis Spiritus laudet Dominam nostram.

Gloria, laus, honor Virgini MARIÆ: quæ secum nos trahat ad Regnum gloriæ. Amen.

* Tres Quinquagenæ, scilicet totum Rosarium, & Salve Regina.

* Et postea dicantur sequentia, & reperatur ad Primam Dominicam.



Psalterium

H Y M N V S.

TE Matrem Dei laudamus : te
M A R I A M Virginē profitemur.

Te Æterni Patris Sponsam, omnis ter-
ra veneratur.

Tibi omnes Angeli, & Archangeli, tibi
Throni, & Principatus fideliter de ser-
uiunt.

Tibi omnes Potestates, & omnes Virtu-
tes, Cœli Cœlorum, & vniuersæ Domi-
nationes obediunt.

Tibi omnes Chori, tibi Cherubin, & Se-
raphin, exultantes assistunt.

Tibi omnes Angelicæ creaturæ ince-
ssabili voce proclamant.

Sancta, Sancta, Sancta M A R I A Dei
Genitrix, Mater, & Virgo.

Pleni sunt Cœli, & terra maiestatis glo-
riæ fructus ventris tui.

Te gloriosus Apostolorum Chorus sui
Creatoris Matrem collandat.

Te

Te Beatorum Martyrum cætus candidatus, CHRISTI genitricem glorificat.

Te gloriosus Confessorum exercitus, Trinitatis Templum appellat.

Te Sanctarum Virginum Chorea amabilis, Virginitatis, & Humilitatis Exemplum prædicat.

Te tota Cælestis Curia Reginā honorat.

Te per Vniuersum orbem Ecclesia inuocando concelebrat.

Matrem Diuinæ Maiestatis.

Venerandam te veram Regis Cælestis puerperam, Sanctam quoq̃, dulcem, & piam.

Tu Angelorum Domina, tu paradisi ianua.

Tu Scala Regni Cælestis, & Gloriæ: tu thalamus, tu Arca pietatis, & gratiæ.

Tu vena Misericordiæ, tu Sponsa, & Mater Regis æterni.

Tu Templum, & Sacrarium Spiritus Sancti, totius Beatissimæ Trinitatis nobile triclinium.

Psalterium

Tu mediatrix Dei, & hominum amatrix.

Tu agonizatrix pugnantium, aduocata pauperum, miseratrix, & refugium peccatorum.

Tu erogatrix munerum, superatrix, ac terror Dæmonum, & superborum.

Tu mundi Domina, Cœli Regina, post Deum sola spes nostra.

Tu salus te inuocantium, portus naufragantium, miserorum solatium, pereun-
tium refugium.

Tu Mater omnium beatorum, gaudium plenum post Deum, omnium supernorum ciuium solatium.

Tu promotrix iustorum, congregatrix errantium, promissio Patriarcharum.

Tu veritas Prophetarum, præconiū, & doctrix Apostolorum, magistra Euangelistarum.

Tu fortitudo Martyrum, exemplar Confessorum, honor, & festiuitas Vir-
ginum.

Tu ad liberandum exulem hominem,
Filiū Dei suscepisti in vterum.

Per te expugnato hoste antiquo, sunt
aperta fidelibus Regna Cœlorum.

Tu cum Filio tuo sedes ad dexteram
Patris, tu ipsum pro nobis roga Virgo
M A R I A, quem nos ad iudicandum
credimus esse venturum.

Te ergo poscimus, nobis tuis famulis
subueni, qui pretioso sanguine Filij tui

Redempti sumus.

Æterna fac pia Virgo, cum Sanctis tuis
nos gloria numerari.

Saluum fac populum tuum Domina,
vt simus participes hæreditatis Filij
tui.

Et regere nos, & custodi nos in æternum.

Per singulos dies, ò pia te salutamus.

Et laudare te cupimus vsq; in æternum
mente, & voce.

Dignare dulcis M A R I A, nunc, &
semper nos sine delicto conseruare.

Miserere pia nobis, miserere nobis.

Fat

Psalterium

Fiat Misericordia tua magna nobiscum;
quia in te Virgo M A R I A confi-
dimus.

In te dulcis M A R I A speramus, nos
defendas in æternum.

Te decet laus, te decet Imperium, tibi
Virtus, & Gloria in sæcula sæculorum.
Amen.

S Y M B O L V M.

Quicumq; vult saluus esse, ante om-
nia opus est vt ten eat de MARIA
firmam fidem.

Quam nisi quisq; integram, inuio-
latamq; seruauerit, absq; dubio in æter-
num peribit.

Quoniam ipsa sola Virgo manens pe-
perit, sola cunctas hæreses intere-
mit.

Confundatur, & erubescat Hebræus, qui
dicit C H R I S T V M ex Ioseph semi-
ne esse natum.

Con,

Confundatur Manichæus ; qui dicit
C H R I S T V M fictum habere cor-
pus.

Palleat omnis qui hoc ipsum aliunde
non de **M A R I A** dicit assump-
sisse.

Idem namq; Filius, qui est Patris in di-
uinis vnigenitus , & verus vnigenitus
Virginis **M A R I Æ** Filius , in Cœlis
sine Matre, in terris sine Patre.

Nam sicut anima rationalis, & caro pro-
pter vnionem de homine verè nascitur,
ita Deus, & homo **C H R I T V S** de
M A R I A Virgine verè generatur.

Induens carnem de carne Virginis, quia
sic genus humanum redimi congrue-
bat.

Qui secundum diuinitatem æqualis Pa-
tri , secundum verò humanitatem mi-
nor Patre.

Conceptus in utero Virginis **M A R I Æ**
Angelo nunciante de Spiritu Sancto, nō
tamen Spiritus Sanctus est Pater eius.

Geni-

Psalterium

Genitus in mundum sine pœna carnis
Virginis Matris, quia sine delectatione
carnis conceptus.

Quem lactavit Mater vberibus de Cœlo
pleno, quem circumstant Angeli obstre-
tricum vice, nunciantes pastoribus gau-
dium magnum.

Hic à Magis muneribus adoratus, ab
Herode in Ægyptum fugatus.

A Ioanne in Iordano baptizatus, tradi-
tus, captus, flagellatus, crucifixus, mor-
tuus, & sepultus.

Cum gloria surrexerit, ad Cœlos ascen-
dit, spiritum Sanctum in Discipulos, &
in Matrem misit.

Quam demum, ipse in Cœlum assump-
sit, & sedet ad dexteram Filij, non ces-
sans pro nobis Filium exorare.

Hæc est fides de M A R I A Virgine, quã
nisi quisq; fideliter, firmiterq; credide-
rit saluus esse non potest.



LIT A;

LITANIÆ.

- K** Yrie eleison. **C** hriste eleison.
K Yrie eleison. **C** hriste audinos.
C hriste exaudinos.
Pater de Celis Deus, **M A R I Æ** con-
 tor gloriosus. Misere nobis.
Fili Redemptor mundi Deus, **M A R I Æ**
 nobilis fœcundatur. Misere nobis.
Spiritus Sancte Deus. **M A R I Æ** mi-
 rabilis obumbrator. Misere nobis.
Sancta Trinitas vnus Deus, qui Mariam
 glorificas. Misere nobis.
S. **M A R I A** quæ totum mundum illu-
 minas. Ora pro nobis.
S. **M A R I A**, quæ tuos seruos exaltas,
 ora pro nobis.
S. **M A R I A** quæ pro peccatoribus sup-
 plicas. ora.
S. **M A R I A** illuminatrix cordium. ora.
S. **M A R I A** fons Misericordiæ. ora.
S. **M A R I A** Splendor S. Ecclesiæ. ora.
 I **S.** **M A R I A**

Pſalterium

- S** M A R I A flumen ſapientiæ. ora.
S M A R I A ab Angelo ſalutata. ora.
S M A R I A per Spiritum Sanctum
obumbrata. ora.
S M A R I A in Cœlis glorificata. ora.
S M A R I A Roſa veris ſpecioſa. ora.
S M A R I A vitis frondens generoſa.
S M A R I A dulcis Virgo, & ſpecioſa.
ora pro nobis.
S M A R I A à Deo Patre Sponſa electa.
ora pro nobis.
S M A R I A Verbi Dei Mater præele-
cta. ora.
S M A R I A à Spiritu Sancto protecta.
ora pro nobis.
S M A R I A quæ Deum in vtero con-
cepisti. ora.
S M A R I A quæ Deum, & hominem.
genuisti. ora.
S M A R I A Virgo Virginū ſignifera. ora.
S M A R I A Virga Ieſſe Chriſtifera. ora.
S M A R I A arbor Vitæ fructifera. ora.
S M A R I A ſcæminarū pulcherrima. ora.
S M A R I A

- S. M A R I A humillium humillima. ora.
- S. M A R I A sanctorū Sanctissima. ora.
- S. M A R I A super omnes diligentius
amanda. ora.
- S. M A R I A super omnes excellentius
magnificanda. ora.
- S. M A R I A Mater conditoris. ora.
- S. M A R I A Mater Redemptoris. ora.
- S. M A R I A Mater Saluatoris. ora.
- S. M A R I A inferis terribilis. ora.
- S. M A R I A Mater mundo desiderabi-
lis. ora.
- S. M A R I A Mater amabilis. ora.
- S. M A R I A Virgo plena gratia. ora.
- S. M A R I A Virgo plena clemētia. ora.
- S. M A R I A pia fundens solatia. ora.
- S. M A R I A flos, & decus Virginalis. ora.
- S. M A R I A flouis Sapientalis. ora.
- S. M A R I A splendor, & lux Orienta-
lis. ora.
- S. M A R I A virtutum Cœli Regina. ora.
- S. M A R I A domus Dei Cypressina. ora.
- S. M A R I A Cœli fenestra Crystallina ora.

Psalterium

- S.** M A R I A perpetuæ lucis auro-
ra. ora pro nobis.
- S.** M A R I A Virga pulchra , & deco-
ra. ora pro nobis.
- S.** M A R I A melodia dulcis , & sona-
ra. ora pro nobis.
- S.** M A R I A deliciarum Dei dapife-
ra. ora pro nobis.
- S.** M A R I A cælestis curiæ pincerna.
ora pro nobis.
- S.** M A R I A Paradisi porta peruia. ora.
- S.** M A R I A placitum Dei vmbracu-
lum. ora pro nobis.
- S.** M A R I A Virginum noua exulta-
tio. ora pro nobis.
- S.** M A R I A mulierum prima benedi-
ctio. ora pro nobis.
- S.** M A R I A miserorum pia consola-
tio. ora pro nobis.
- S.** M A R I A vera salus , & beatitudo.
ora pro nobis.
- S.** M A R I A charitatis magnitudo. ora.
- S.** M A R I A pietatis latitudo. ora.
- S.** M A R I A

- S.** M A R I A Mater orphanorum. ora.
- S.** M A R I A mamilla orphanorum. ora.
- S.** M A R I A mamilla paruulorum. ora.
- S.** M A R I A consolatio afflictorū. ora.
- S.** M A R I A cui Angeli obediunt, & obsecrantur. ora.
- S.** M A R I A nobilis Regina Cœlorum. ora pro nobis.
- S.** M A R I A cui Sancti, & Sanctæ congaudent, & gratulantur. ora.
- S.** M A R I A quam omnia laudant, & venerantur. ora.
- P**ropitia esto. Parce nobis Domine.
- P**ropitia esto. Libera nos Domina.
- A**b omni malo. Libera nos Domina.
- A**b omni mala tentatione. lib.
- A**b ira, & indignatione Dei. lib.
- A**periclitatione, & desperatione. lib.
- A**superbia præcipitante. lib.
- A**b avaritia deualtante. lib.
- A** peccato iræ, & inuidiæ cruciante. lib.
- A** carnis tentatione vndiq; anxiantē. libera nos Domina.

A pecca-

Psalterium

- A** peccato gulæ, & castrimargiæ com-
maculante. lib.
- A** b incurſu hoſtis malignantis. lib.
- P** er dulcorem, & gaudium de CHRISTI
Incarnatione. lib.
- P** er dolorem, & anguſtiam de illius Paſ-
ſione. lib.
- P** er gaudium, & miraculum de illius
Reſurrectione. lib.
- P** er fidem tuam de Spiritus Sancti miſ-
ſione. lib.
- P** er gaudium, & lætitiã de illius Af-
cenſione. lib.
- P** er gaudium de tua coronatione. lib.
- I**n hora mortis deuaſtante. lib.
- I**n iudicis diſtricto examine. lib.
- A** b inferni, horribili cruciamine. lib.
- P** eccatores. Te rogamus audinos.
- V** t Sanctam Eccleſiam, piſſima Domi-
na conſeruare digneris. te rog.
- V** t iuſtis gloriam, peccatoribus gratiam
impetrare digneris. te rog.
- V** t tribulatis conſolationem, captiuis
libe-

liberationem impetrare digneris. te
rogamus audi nos.

Vt famulos & famulas tibi deuote ser-
uientes consolari digneris. te rog.

Vt populum Christianum Filij tui pre-
tioso sanguine Redemptum conser-
uare digneris. te rog.

Vt cunctis fidelibus defunctis requiem
æternam donare digneris. te rog.

Mater Dei. te rog.

Mater charissima, & Domina nostra, mi-
serere nobis, & dona nobis perpetuâ
pacem. Amen.

K Yrie eleison. **C**hriste eleison;
K yrie eleison. **P**ater noster.

V. Et ne nos inducas in tentationem.

R. Sed libera nos à malo.

V. Ego dixi Domina miserere mei.

R. Sana animam meam, quia peccaui
tibi.

V. Conuerte misericordiam tuam su-
per nos.

Psalterium

Rz. Et deprecabilis esto super seruos tuos.

Ÿ. Ostende potentiam tuam contra inimicos nostros.

Rz. Ut iustificeris in nationibus populorum.

Ÿ. Miserere seruorum tuorum, super quos inuocatum est nomen tuum.

Rz. Et ne sinas angustiari eos in tentationibus suis.

Ÿ. Ne proijcias nos in tempore mortis nostræ.

Rz. Et succurre animæ, cum deseruerit corpus suum.

Ÿ. Esto nobis Domina turris fortitudinis.

Rz. Et petra durissima contra inimicū.

Ÿ. Adiua me Domina, ne corruam cum eo.

Rz. Fac vt conteratur sub pedibus meis.

Ÿ. Exaudi orationem meam, & deprecationem meam.

Rz. Et contempescant aduersarij mei.

ORA:

O R A T I O.

Auxilium tuum Domine nobis propitiatus impende: & intercedente pro nobis beata Dei genitrice semper Virgine M A R I A cum omnibus Sanctis, fac nos ab omni malo liberari, & in æterna beatitudine cum Angelis gloriari.

Omnipotens sempiternæ Deus, qui pro nobis de castissima Virgine M A R I A, nasci dignatus es: fac nos tibi casto corpore seruire, & humili mente placere.

Oramus etiam te piissima Virgo M A R I A, mundi Regina, & Angelorum Domina, ut eis quos in purgatorio ignis examinat, impetres refrigerium, peccatoribus indulgentiam, & iustis perseverantiam in bono; Nos quoque

Psalterium

fragiles ab omnibus instantibus defende periculis. Per Dominum nostrum
I E S V M C H R I S T V M Filium
tuum; qui tecum viuit, & regnat. &c.

Retribue seruo tuo Domina, viuifica me, & faciam voluntatem tuam.

Incola ego sum in terra, nihil abscondas mihi de amore tuo.

Concupiuit anima mea, laudem tuam desiderare omni tempore.

Tu enim salus mea in Domino, quæ me morti ad iudicatum liberaſti.

Quid pro his, retribuam tibi, nisi me totum? Domina suscipe me.

Legem pone mihi Domina voluntatis tuæ, Sanctarum Sanctissima exquiram eam semper.

Deduc me in Semitam miserationum tuarum, mulierum pulcherrima, quia ipsam volui.

Inclina animam meam ad supernorum
amorem

amorem Domina, & non ad impudicitiam.

Ecce concupiui castimoniam tuam à iuventute mea, in misericordia tua confirma me.

Et obseruabo viam testimoniorum tuorum in sæculum, & serutabor mandata filij tui, quæ dilexi.

Memor esto Verbi tui Dominarum primiceria, in quo mihi spem dedisti.

Ac in tempestatum fluctibus potenter tenuit me, quia eloquium tuum viuificauit me.

Circundederunt me veri mendaces, & congregata sunt super me flagella, & ecce manus tua eripuit me.

Communicaui in bonis omnibus timētibus te, & custodientibus obnixè mandata tua.

Miserationibus tuis plena est terra, ideo viam iustificationum tuarum exquisiui.

Boni-

Psalterium

Bonitatem fecisti cum seruo tuo Domina: de qua gaudent Angeli.

Disciplinam morum tuorum, & æquitatem tuam doce me, quia verbis tuis præcunctis credidi.

Bonum mihi, quia onere tuo humiliasti me, vt sequar conuersationem tuam.

Qui amant seruientes tibi venerabuntur, qui autem abominatus fuerit eos, ruet in æternum.

Veniant mihi semper de super guttæ clementiæ tuæ, & viuam, quia lex tua Sancta meditatio mea est.

DE fecit in semitis tuis anima mea Domina, & nisi miseratio maxima esset, periissem vtiq; in infirmitate mea.

Defecerunt oculi mei in contemplatione tua, velut vter in pruina à te visa est anima mea.

Secur-

Secundum bonitatem tuam viuifica me,
& non obliuiscar sermones tuos, quia
tibi adhærere bonum est.

Dispositione tua perseuerat mundus,
quem, & tu cum Deo fundasti ab ini-
tio.

Tuus totus ego sum Domina, saluum
me fac, quoniam desiderabiles erant lau-
des tuæ in tempore peregrinationis
meæ.

Quomodo dilexi legem tuam Do-
mina, in conspectu meo semper.

Suauitatum tuarum affluentia cor meum
alienauit à me, & caro mea mirabiliter
exultauit in te.

Quam dulcis peccatoribus eloquia tua
Domina, super omnem melodiam refe-
ctio tua dulcis ori meo.

Illuminatio gressibus meis Verbum
tuum, & lumen ineffabile semitis
meis.

Quoties exasperauerunt me peccatores
infern,

Psalterium

Inferni, quia à charitate tua declinare nolui, ego autem speravi in te Domina.

Iniquos odio habui, & viam tuam dilexi Domina gratiosa.

Ad iuuua me, & saluus ero Domina mundi, & meditabor honorificentiam mandatorum tuorum.

Fac me semper stare in timore tuo, & non tradas me Virgo calumniantibus me.

Vernaculus tuus sum ego, minimus in familia tua.

Custodi me Domina à negligentibus iudicia iustitiæ tuæ.

Contemnes omnes discedentes à seruitio tuo, quia iniusta est conuersatio eorum.

Mirabilia tua testimonia Mater alma, & sermonibus tuis illuminatum est cor meum.

Vultum

Vultum tuum deprecabuntur omnes
diuites plebis, Filij Regum collaudant
faciem tuam.

Ardens Verbum labiorum tuorum ve-
hementer, qui ad te properat percipiat
illud.

Arundo agitata sum in conspectu tuo,
tene me Domina subiugo tuo, & non
confundar.

Seruientes tibi plus alijs inuadunt dra-
cones inferni, sed tu Domina defende
nos.

CLamaui in toto corde meo ad te
Domina, de necessitatibus meis
clementer eripe me.

Vocem gemitus mei exaudi Domina
mea doce me vt acceptus sim apud te
omni tempore.

Longe à nescientibus te salus, qui au-
tem præstat in obsequio tuo procul fiat
à perditione.

Misericordia tua rigat vniuersum,
Domina

Psalterium

Domina in salutari tuo vivifica me.

Initium eloquiorum tuorum veritas in æternum, & legem tuam immaculatam non sum oblitus.

Princes persecuti sunt me gratis: & ab inuocatione nominis tui trepidat spiritus malignus.

Pax multa obseruantibus nomen tuum Mater Dei, & non est illis scandalum.

Septennis horis decantavi tibi laudes Domina, iuxta eloquium tuum da mihi intellectum.

Intret oratio mea in conspectu tuo, ut non derelinquam te Domina cunctis diebus vitæ meæ, quoniam vitæ tuæ misericordia, & veritas.

Concupiscam in æternum laudare te Domina, cum docueris me iustificationes tuas.

CAN.

CANTIC. 1.

Consitebor tibi Domina, quoniam
per te placatus est mihi Dominus,
& consolatus est me.

Ecce Domina saluatrix mea, fiduciali-
ter agam in te, & non timebo.

Quia fortitudo mea, & laus mea in Do-
mino es tu, & facta es mihi in salutem.

Hauriam aquas in gaudio de riuulo: &
semper inuocabo nomen tuum.

Notas facite in populis virtutes Domi-
næ nostræ, quia excelsum est valde no-
men eius.

Exulta, & lauda totum genus humanū,
quia talem dedit tibi mediatricem Do-
minus Deus tuus.

CANTIC. 2.

EGO dixi circa dimidium dierum
meorum, vadam ad MARIAM,

K

vt

Psalterium

ut me **CHRISTO** reconciliet.

Quæsiui residuum annorum meorum,
in amaritudine animæ meæ.

Generatio mea ablata est, quia Pater
Mater, & omnia dereliquerunt me,
MARIA autem assumpsit me.

Sperabam in illa mane, sero, & meridie,
quasi leo sic contriuit omnia ossa pecca-
torum meorum.

Et tu Domina eruisti animam meam
ut non periret, & de manu canis vnicam
meam.

Domina saluum me fac, & laudem tuam
cantabo cunctis diebus vitæ meæ, o pia
Mater Domini mei.

CANTIC. 3.

Exultauit cor meum in Domino, &
exaltatum est cornu meum in Do-
mina mea.

Quia fecit mihi magna qui potens est,
per **MARIA** Matrem eius.

Non

Non est sancta, vt es Domina nostra,
quæ sola super gressa es vniuersas.

Recedant ergo vetera de ore nostro, &
iniquis loquamur nouis.

Exulta, & lauda M A R I A M Syon, &
Hierusalem, quia maxima in domina-
bus Israel.

Ipsa pauperem facit, & ditat, & humi-
liat, & sublimat.

Altior cælo, terra latior est hæc Domi-
na nostra.

CANTIC. 4.

CAntemus Dominae gloriose Virgini
M A R I Æ, in Hymnis, & Confes-
sionibus benedicamus eam.

Domina nostra, Omnipotens post Deum
nomen eius, currus Pharaonis, & exer-
citus eius proiecit in mare.

Dextera tua Domina magnificata est
in fortitudine, quia in multitudine

Psalterium

miseri cordiæ tuæ strauisti aduersarios
meos.

De ore leonis liberaſti me Domina, &
tanquam Infantem genitum Mater ſu-
cepisti me.

O Domina chariſſima mea, velut Galli-
na tege me mirabili Paſſione tua.

Tuus totus ego ſum, & omnia mea
tua ſunt, Virgo ſuper omnia benedi-
cta.

Ponam te ſicut ſignaculum ſuper cor
meum, quia fortis eſt vt mors dilectio
tua.

CANTIC. 5.

Domina audiui auditionem tuam, &
obſtupui, conſideraui opera tua, &
expaui.

Domina opus tuum circa medium an-
norum viſiſtaſti illud.

Confitebor tibi Domina quia abſcon-
diſti

didisti hæc à sapientibus, & reuelasti ea paruulis.

Operuit cœlos gloria tua, & misericordia tua plena est terra.

Agressa es Virgo in salutem populi tui, in salutem cum **CHRISTO** tuo.

Obenedicta, in manibus tuis est reposita nostra salus, recordare pia paupertatis nostræ.

Quem vis ipse saluus erit, & à quo auer-
tis vultum tuum, vadit in interitum.

CANTIC. 6.

Audite cœli quæ loquar de **MARIA**,
audiat terra verba oris mei.

Magnificate ipsam mecum semper, &
exaltemus nomen eius in sæculum sæ-
culi.

Generatio praua, atque peruersa, ag-
nosce Dominam nostram saluatricem
tuam.

Psalterium

Nunquid non ipsa est mater tua, quæ possedit te, & in fide generauit te.

Si hanc dimittis non es amicus summi Cesaris, quoniam ipse sine ea non saluabit te.

Vtinam sciperes, & intelligeres, ac nouissima prouideres.

Quemadmodum infans sine nutrice, nõ potest viuere, ita nec sine Domina nostra potes habere salutem.

Siciat ergo anima tua ad ipsam, tene eam, nec dimitte, donec benedixerit tibi.

Repleatur os tuum laude sua, decanta tota die magnificentiam eius.

CANTIC. 7.

Benedicite omnia opera Dominae gloriosæ, laudate, & super exaltate eam in sæcula.

Benedicite Angeli Dominae nostræ, benedicite cæli Dominae nostræ.

Bene-

Benedicat omnis Creatura Dominam nostram, quam Rex sic voluit benedici.

Benedicta sis o summi Regis Filia, quæ odore præis cuncta lilia.

Benedicta sis Corona Dominarum omnium, benedicta sis gloria Hierusalem.

Odor tuus sicut agri pleni, cui benedixit Dominus; qui in benedictes te redundat irrigans omnia intima eorum.

Qui benedixerit tibi, o Virgo beata, sit ille iugiter benedictus.

Qui maledixerit tibi rosa candidissima, sit ille maledictus.

Non recedat de domo seruatorum tuorum, vini, & olei abundantia.

In nomine tuo omne genu flectatur, cœlestium, terrestrium, & infernorum.

Benedicamus Deum qui te creauit, benedictus vterque parens, qui te genuit.

Psalterium

Benedicta sis Domina in cœlo, & in terra, laudabilis, & gloriosa, & super exaltata in secula.

CANTIC. 8.

Benedicta sis Domina, & Mater Dei mei Israel, qui per te visitauit, & fecit Redemptionem plebis suæ.

Et crexit vnicornu salutaris castitatis tuæ, in domo Dauid pueri sui.

Sicut locutus est per os Isaiæ, & aliorum sanctorum Prophetarum eius.

Salutem ex inimicis, præsta Virginum Virgo, & de manu omnium qui nos oderunt pacem nobis tribue.

Et fac misericordiam pro parentibus, & nobis vt memor sis testamenti Omnipotentis Dei.

Quod iurauit ad Patres nostros, Abraham, & semini eius in secula.

Sic sine timore de manu inimicorum
nostroꝝ

nostrorum liberati, quiete seruiemus illi.

In sanctitate, & iustitia coram te, omnibus diebus nostris.

Et tu **M A R I A** Propheta Dei vocaberis, quoniam nouisti, quod respexit humilitatem ancillæ suæ.

Per quam dedit scientiam salutis plebi eius, in remissionem peccatorum.

Per viscera multitudinis misericordiæ tuæ, visita nos stella matutina oriens ex alto.

Illumina tenebras sedentium in umbra mortis, & eas luce dilectissimi Filij tui digneris instellare.

Miserere Misericordiæ Mater, nobis miseris peccatoribus, qui retracta peccata pœnitere negligimus, ac multa quotidie pœnitenda committimus.

* **F I N I S.** *





OLISIPONE.

Cum facultate Supremi Sena-
tus Inquisitionis, &
Ordinarij.

Nec non Regis Lusitaniæ.

Excudebat **Antonius Alvarez.** 1611.



¶ Acabouse de imprimir este
Liuro intitulado *Psalterium*
de Nossa Senhora, que S. Boa-
ventura compos. Em Lisboa
a vinte sete do mes de Abril
Anno 1611.


Por Antonio Alvarez.







Faint, illegible text is visible in the middle section of the page, appearing to be bleed-through from the reverse side. The text is arranged in several lines and is difficult to decipher due to its lightness and the paper's texture.









E
8
R